

熙朝詩薈

五十三之五十五

番外書冊

庫文閣内			
函	冊	號	類
三四	四一	八	和書
二架	冊	號	類

内閣文庫		
番號	和 18418	
冊數	41 (21)	
函號	204	294



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak




淺草文庫

熙朝詩薈卷第五十三目錄

鳥山輔寬 百七十九首

鳥山輔門 四十一首



熙朝詩薈

錦天山房

[Red seal: 錦天山房]

熙朝詩薈卷五十三

鳥山輔寬

字碩夫號芝軒又號鳴春又號逃禪居士稱左

大夫攝津人或云伏水人世仕于朝弱冠致仕

居於伏陽豐橋後移居於大坂性嗜酒工詩善

書講說授徒著有芝軒吟稿享保己亥

太上皇聞其善詩命采其集備乙夜之覽甚

嘉褒焉學者榮之物徂徠評其詩曰晚唐宗匠

初碩夫所居軒前生靈芝九莖故號瑞芝軒既

歿其子輔門及門人戶田方弼等編次其遺稿
三水近有省吾寄其集於朝鮮學士申維翰周
伯請叙并贈詩曰占得茅軒呼瑞芝斯人千古
稿猶遺寄來為問鷄林客孰與香山居士詩維
翰為題其首曰鳥山氏之為詩則必用師心而
舍津筏不作一古人面目又不作一今人意態
所以外足於象而內足於思繇是而為芝菌之
色繇是而為琅玕之響繇是而為薑桂之味即
令婆娑漫淫白首窮途不肯北面而交一二少
年賈名聲于都人士者皆是之為也可謂亦善

狀芝軒矣

錦天山房詩話寶永享保之際詩人大率慕劬
嘉隆七子以高華相矜故刻飾雖美餽訂可厭
其弊也黃茅白葦彌望皆是也獨芝軒取材於
晚唐宋元不為流俗所染不為聲調所縛避穠
縟而就和平深婉冲淡類發乎心性所得而真
情流出卓然可傳者也

飲徒某生編次予小作為一帙題贈

約與劉伶為茅昆一場無日不傾樽狂詞今付知音去

莫遣紛々醒者論

春月

樓外青山斂暮紅
蟾輝忽吐靄簾籠
春容不似秋容冷
都在柳煙花霧中

春陰

空碧相和黯淡烟
梨花無影獨娟娟
等閒鎖却歸鴻路
又向歌樓澁管絃

晚春雜興

坐睡回時晝景斜
滿園新綠透窓紗
可憐無數狂胡蝶
來觸蜘蛛網裡花

御溝

冷々一派出重閣
人道天潢是本源
可惜山農望雨日
灌花盡入五侯園

題昭君臨鏡圖

一枝壓倒漢宮花
鏡裡嬋娟每自誇
延壽寫成能及此
當時未必配胡家

秋日早起

雁聲喚夢曉過樓
屏背殘燈照未收
露滿中庭人獨立
墻陰綻出白牽牛

江村即事

四面雲山十里沙
中間隨處著漁家
清愁滿目斜陽外

粧點蘆花入蓼花

秋江曉望

渺々蒼波淡淡々天蘆花殘月遠依然
踈蓬傍岸猶燈火橫射寒塘一抹烟

九日城西泛舟

樂事良辰屬我曹輕舟滿載菊花醪
波心坐破諸峯影不羨登臨著履高

瑞芝軒十詠 錄三

拳鷺岸

秋風江上雨絲絲羣鷺飛來傍岸時
軟艸淺沙隨意好

聯拳未肯向他移

高士灘

潮滿磯頭夏亦寒客來正要學垂竿
風光不似磻溪樣卻是嚴家七里灘

落照灣

鷗沙盡畔日啣山倒浸彤霞玉一灣
訝是仙娥時濯錦餘波流去到人間

夏詞

景入朱明積雨餘熟梅三五落塔徠
綠陰更喜薰風轉開遍南窓晒架書

冬詞

歲晏天寒客到稀
霜松雪竹淡相依
怕飢凍鵲棲難定
和月雙雙遠舍飛

雪中鷺

六花終夕始休飄
埋盡江村沙路遙
唯有磯頭三五點
曉陽照處未曾消

春水

柳絮初飄蘆笋肥
滿灣沉碧浸漁磯
或時偶有山鷄照
立到斜陽未肯飛

春日遊古寺

徑夾松杉入翠微
南朝遺刹尚巍巍
中間花開盡無人見
一任猿兒攀取歸

雨中送春

綠塵紗窻冷透衣
黃鸝無語雨霏霏
濕紅也解留春住
粘著枝頭未肯飛

三月晦日贈別

九十韶光九十空
纔餘一日對東風
離襟冷落何堪說
新綠成陰隔舊紅

隔簾燈

熒々光透水晶幽
人對菱花照曉愁
應為飛蛾窺在外

未曾容易上銀鈎

宿山寺

夜投山院夢魂清
松月窺窓似有情
始識人心隨境轉
叫猿不作斷腸聲

下村氏園亭六詠 錄二

麥壠黃雲

喧殺流鶯過却春
南風吹麥麥秋新
黃雲千頃鋪將遍
便有腰鎌上壠人

園林秋色

園景蕭條晚更晴
柿紅梨紫照枝明
清愁滿目難吟盡

付與寒蛩四壁聲

客中近以直第中秋賞月

風驅暝色翻金桂
露滴晴寒滿畫樓
我輩休嗟鄉國異
清光不作兩般秋

題有栖山亭子

孤亭占破玉孱顏
巾上青天似可攀
自是衰眸難致遠
虛勞座客指名山

題架鷹圖

金眸玉爪鐵精神
一幅生綃見爾真
回首秋風如有恨
百年間殺架頭身

冬夜同僧某宿醍醐山草堂

為愛茅堂結構偏
僧來趺坐客來眠
曉風將我窓間夢
吹過梅花溪水邊

春初谷口尋梅

閑行拖得老筇枝
春淺村園雪擁籬
忽值溪梅照顏笑
心狂卻是欲無詩

春窓曉起

吹殺殘燈理髮華
可堪百鳥太喧譁
窓明不是生紅日
開遍牆桃雨後花

閑居謾成

長向清時謝不能
飢來充食一池菱
自知踈性多違俗
十箇交遊九箇僧

春日同友人東郊看桃花

桃花深處共杯盤
談笑移時興未闌
爛熳只愁難過日
百回揩眼醉中看

客中春日

辭家未肯卜歸年
羸馬東西每自憐
欲向青山取行路
春風何樹不啼鵑

閱亡友字帖有感

十書九是戒盂觴
欲問斯人今也亡
卻怕讀來難讀盡

一行未了淚千行

昭君怨

萬里風沙撲面寒秋容不復漢宮看逢人懶說心中事
只把琵琶時一彈

醉妓

酒豪自喚女青蓮日夕陪歡公子筵春醉有時禁不得
琵琶當枕卧花前

禊日口占

不向江邊沉羽觴雨中閉戶日偏長松煤磨出桃花露
臨得蘭亭字幾行

安樂院看假山

橫梁封蘚和雲潤懸溜穿巖作霧寒拍掌紫鱗衝浪出
客來敢餌就攔看


睡起

一簾疎雨黑甜餘榴火欲然蕉葉舒忽起不堪情思懶
低聲喚婢理殘書

退筆

甕裡森々蠹似栽頭髻猶見帶松煤如今無用君休笑
曾占珊瑚架上來

月夜放船



月白林塘暝色微推蓬長嘯過漁磯
櫓聲觸落荷花露驚起沙禽帶夢飛

賣花聲

滿檐紫紅春幾分蝶蜂相逐欲紛紛
數聲喚上三竿日猶有佳人和夢聞

天滿祠六詠錄二

滿階明月

四門夜鎖寂無譁月上瑤階遍白沙
坐久不知風露冷笛聲何處落梅花

高樹踈蟬

碧樹風涼向晚暉一蟬鳴在最高枝
數聲欲斷忽還續恰似浪仙吟苦時

籠中鸚鵡

巧舌由来是禍根百年身世付籠樊
等閒學得宮中語不為君王進片言

秋夜宿上方禪院

白社秋涼偶自敲來同猿鶴宿林梢
夢回殊覺下方遠一犬不驚山月高

風前梅

黃昏愁立碧溪隈幾片吹香撲面來
拂盡枝頭看遍地

欲移履齒卻遲徊

寒夜偶興回文

寒月弄光溪雪霽竹籬踈處放初梅殘更坐盡消香篆
發興清唵獨上臺

除夕

歲月何殊下阪丸一年只有一宵殘癡歎於我全無用
賣與他人亦不安

山亭晴眺

晴倚山亭望轉多斷虹猶浸半溪波牧童歌過前村路
牛背斜陽晒一蓑

秋日過古寺

岩桂香飄秋意闌嶺雲籠閣佛燈寒壁詩塵暗渾難讀
背卻斜陽揩眼看

次韻寄默禪師山居

水雲蹤跡占溪頭菴小聞如一葉浮來學栖禪人有幾
想應猿鶴是同遊

子猷訪戴圖

溪色新晴雪擁廬造門不見意何如歸梳弄月遲々太
興比來時却有餘

垂絲海棠

一種全殊出蜀州風翻紫袖舞難收芳心不解衝雲起
低下祇能到地休

古城基看桃花城在伏陽郊外文祿年中豐臣博陸侯所築今廢居民於其遺址植

桃數萬株益隨土宜也每及花時士庶登覽如競

玉壘基殘野色荒桃花隨意媚斜陽豐公豈料千秋後
分付遊人作醉鄉

丞相管公祠八詠祠在伏陽古城側錄二

三伏松風

松鎖清陰不惹塵風濤六月濺衣巾袖間安得携將去
分與他方苦熱人

林間鶯語

林栖爭似谷栖安啼向春頭訴曉寒勸爾從今莫饒舌
喬枝也怕引金丸

早行

河影微々殘月斜林梢隨處帶棲鴉夢回馬背天初白
村店鷄鳴隔杏花

秋夜讀書

雨洗疎桐秋意清讀書燈下過三更吾伊初罷時歌耳
猶有隣家機杼聲

紙鳶

狀成六翮勢何雄萬里青冥一線風相看饒堪快心目
怕妨舞鶴在雲中

夏鶯

畫景陰々綠滿枝金衣奏曲欲停遲從今俗耳聽如厭
只說當初出谷時

秦始皇

棄擲皇墳與聖經漫求仙藥究蓬溟盛稱水德真堪笑
不救咸陽火一星

田園秋興

雨餘田水遠籬斜引滿小池堪漚麻昨夜西風月明裡

嫩黃吹綻未棉花

春日過某氏雨中留飲

日長留飲故人家簾捲東風暮雨斜一樹隔牆桃似火
來時猶是未開花

筍鞵

巧織筠皮滑豹文香山休傲製飛雲祇須間砌步明月
不用春城踏紫氛

壓酒聲

千鈞盤石壓糟床滴出麴生風味香坐向甕頭頻側耳
一蓬疎雨泊瀟湘

館林君鍾秀亭十詠 錄二

池塘春草
日暖風輕雪正晞
謝家池畔競芳菲
相逢盡是蹈青客
誰問王孫歸不歸

竹下納涼
滿塢琅玕碧欲流
披襟坐到夕陽收
不須痛飲追河朔
占取清風六月秋

詠霽酒

滿斟淡白最宜詩
蟻綠鶯黃未足奇
恰似灞江橋上雪
霏々和雨委波時

山居冬日

嵐色烟沈雪意闌
綿裘一領足防寒
林中拾得飽霜果
散與懷兒就檻看

訪友不遇

杖藜尋友過橋東
門對清江一徑通
半捲疎簾人不見
殘書狼藉落花風

全案 閨怨聽鶻

應是子規啼不眠
聲々聽到五更天
如今縱斷妾腸盡
莫破良人歸夢圓

宿山寺

山行倦處日沉紅借取僧窗枕竹風只為塵綠除未得
依然魂夢在城中

月下聞桂

金粟花開月滿枝風來特地弄香吹夜深誰立欄干上
獨有涪翁鼻孔知

閏中秋無月

前月亦陰晦殆到
不見月結句故云

賞心冷落懶登樓風放簷聲滴不取黯澹莫言聊爾耳
一年閑卻兩中秋

除夕

過隙風兩鬢寒圍屏燈下坐蒲團老懷元自思眠晚

不為窮年一夕殘

紅梅

一種孤山別樣春橫斜纔認舊精神由來皎潔無容處
學得醉粧還可人


移居

東隣有竹
秀色可人

欲寄萍蹤賃一軒前臨市巷後田園殷勤多謝東家竹
分得清陰便到門

七夕雨二首

不奈頑雲侵晚晴庭梧風起放檐聲女兒只要穿針事
漫剪窓燈當月明



熙朝詩集

志

錦天山房

銀漢光沉夜色闌
雙星暗隔幾雲端
莫將淚滴來和雨
添得風波渡轉難

春風

剪々東來打帽紗
數行鴈字影斜々
佳人攔畔皺眉立
奈此全開先日花

池上聞蛙

綠陰庭榭月昏黃
閣々為聲似更忙
莫向騷人枕頭喚
恐妨吟夢到池塘

野燒

烟亂飄々侵斷壠
灰飛漠々暗平堤
青松不與蓬蒿燼

百尺寒松見鶴栖

經亡友故居

入門先覺易酸淒
野竹叢生徑欲迷
回首難尋舊題句
苔花侵壁半無泥

除日戲占

節物渾如陌上埃
一般除去一般來
去來畢竟知何處
要寄吟詩更問梅

菊花枕

幾把黃花一枕頭
鳳衾鴛被不同流
夢魂懶向邯鄲道
獨占柴桑籬下秋

秋聲

切々近將蛩語到淒々遠帶鴈愁來管絃堂上誰歌耳
獨有騷人腸九回

訪友人隱處

一篙來訪碩人寬老屋無門傍釣灘隱几熟眠呼不起
半窓疎雨夕陽殘

涼信池荷雨

涼意宜人秋乍回晚雲分雨帶輕雷珊珊洒向池荷上
傾出明珠數斛來

客窓坐雨

客况蕭然思不平一窓風雨坐三更遙知閨閣人和淚
聽此芭蕉葉上聲

奉輓南都壽月親王

一輪那得擅千秋蝕盡清光雲亦愁袖却當年攀桂手
空和雙淚下南樓

初雪

寒烟吐白曙光新山似蛾眉粉未勻籬外誰過雙屐跡
料應先我訪梅人

曉雪

窓白非因曙色晴寒光高積與塔平眠醒猶擁重衾卧

十字街頭賣炭聲

贈行脚僧

衲衣百結半無蒙
禿卻烏藤七尺長
六十六州都歷遍
浮杯更復向殊方

晚春過衢松宇官舍

愛君官處有餘清
每得相過適我情
野意無端吟不盡
落花晝靜一鳩鳴

月夜聞砧

大漠秋風捲塞雲
砧聲搗月更殷勤
誰知有賦無衣客
帶得鄉愁倚枕聞

春夕旅懷

梨花雨過夜淒淒
愁坐不眠江月低
卻是歸鴻如有訴
數聲呌度畫樓西

宮鶯

曉刷金衣露未晞
未遷上苑好花枝
宮中歌曲依新樣
只怕陽春不入時

釋迦院看垂絲海棠

鎖卻桃紅飄卻梅
紫綿獨向緝園開
垂絲更借東風手
繫箇詩人不放回

夏夜宿田家

壓喧不宿驛邊樓一夕田間夢亦休曉起欲乘殘月發
麥花香冷滿西疇

水亭避暑

亭在荷花深處頭滿襟詩思爽於秋沙禽畢竟苦何熱
浴向波心不暫休

雪後郊行得籬字

野迢獨行晴雪時凍粘履齒步遲々回頭忽訝帽紗落
上有梅梢橫出籬

春日遊大覺寺

風掉花枝香度砌雲籠松色翠連山日長塵事全無到

自有僧家一味閑

三月晦日飲西正民宅

高齋對酒日斜暉映葉殘紅歷亂飛賓主祇須十分醉
醒時爭忍見春歸

春雨寫懷

雨滴春寒動客愁淒然興味冷於秋老夫懶看花開落
垂卻湘簾不復鉤

臨終示男輔門

末後風光易箴時五官失位已難持呼兒遺囑緣何事
菽水殷勤奉母慈

中秋過某詞丈翫月

右携酒鼎左茶甌為月來陪老子遊一段清圓經宿雨
十分明似約中秋詩題蕉葉露侵墨笛弄梅花風滿樓
飲罷曉寒催不忒添衣更倚曲欄頭

林亭寫望

亭在府城南登之則
西海諸勝歷々在目

林下虛亭絕市喧午晴登眺到黃昏松青潑墨連江路
帆遠如雲度海門重疊樓臺皆蜃氣依稀煙火是漁村
千年遺恨蒼波底應有英雄未死魂

閑居口號

竹屋蓬門宇水濱任來此地謝同群低飛沙鳥如無避

初熟村醪旋欲醺山色於人青幾許梅花與我瘦平分
病軀畢竟營何事只讀方書度曉曛

夏日郊行

為慵山屐躡雲烟倚杖郊行也可憐新水挿袂袂綠日
薰風熟麥麥黃天採茶人出朝登隴乞食僧歸晚喚舩
此景王公不經眼等閒拋卻畫圖邊

中秋無月奉陪南都二品大王賦呈

空裡翳氛凝不流厭聽風雨滿南樓林間誰見金蟾背
座上虛披紫綺裘七釀設來供我飲九光燒盡侍君遊
何當天柱凌雲去更問桂花山頂秋

中根隱士舍後植菊數叢日觴詠于其側亦足以

為樂也賦贈舍人祠在伏陽藤森

幽人廬近舍人祠半畝園中菊一籬招客叢邊傾蟻綠

課童葉底解蛛絲黃絰御愛品何貴白喚佛頭名亦奇

真逸由來世希有好將心事與君期御愛佛頭並菊名

漫成

自笑生為薄福人錢囊冷落暗生塵壯夫顏色從今盡

陋巷風光及此新飢鼠嚙書當白晝吟僧賃屋占窮隣

門無過客閑常少卻被鄉閭喚隱淪

次韵答水足氏見寄

牢落江湖一客星却來城市賃茅亭街塵侵戶晝長暗

砌蘚上階春更青自是多愁耽蠹蟻只因踈懶負囊螢

新篇忽領寧無媿答句臨裁口若瓶

人影次明賢夏原吉韻

幻中幻出是何生多態渾疑或有情隱几逢君從後坐

杖藜見爾在前行對時如語消春晝過處無蹤趁午晴

絕勝圖真虎頭手施朱傅白太分明

春日携妓東郊飲集

東郊行處春方好滿耳鶯簧奏不休星靨月眸真絕色

紅裙紫帽也風流低烟著艸侵詩履飛燕衝人覆酒甌

此會何妨傳一世補成千古謝公遊

暮春遊宇治

橋東無限好崔嵬嵐翠濃於雨後苔佛塔數層隨處起
僧窓多半向陽開殘花林晚驚鐘落新月川晴逐棹來
幾片煙霞携滿袖也愁此去觸黃埃

季春遊谷口亭次友人韻

數家鷄犬碧山阿中有孤亭隱薜蘿幽徑埋香花片積
古松堆翠鶴群多烟霞渾可遣塵想澗壑肯容通世波
倚遍闌干猶惜去歸牛已下夕陽坡

中秋東林精舍翫月

一輪輾破綠蘿烟秋半正逢宵可憐皎潔已知通萬里
光明殊覺屬諸天閣中風露寒和酒郭外笙歌多在船
惜殺道人深掩戶結跏獨坐佛燈前

元日同鄉友樓上對飲

時予辭鄉寓于大阪起句
言立春在臘月二十六日

春回已歷半旬強樓上携君望不常萬井風煙籠日紫
三津波浪帶冰黃故園誰管梅花曆新歲同傳柏葉觴
欲把慙名酬宿志鬢端各著數莖霜

原田氏村園看紅梅

花淡紅俗呼豐後
蓋以其所出名焉

村園數畝占西疇偶為尋梅向此遊一種寧云從庾嶺
孤芳正說是豐州霞迷鶯眼艷偏動風弄蝶衣香欲流

顏色雖然類桃杏橫斜別韻在枝頭

題墨竹

兩箇琅玕清且秀不須千畝更扶疎素縑洒墨縱橫掃
綠葉籠煙向背舒躍出玉龍相並立招來丹鳳定巢居
風前宮徵聽雖欠塵外容姿看有餘蕭老精工惟足敵
儋翁健筆果何如壁間對坐忘言久只覺襟懷亦致虛

仲秋上院安泰岳還武城餞此

異鄉共喜結詩盟欲別襟懷忽不平奴負吟囊隨去路
人鞭嘶馬發歸程臨歧莫問幾年會對酒須寬此日情
度盡關山到家了庾樓便看月華生

季秋同友人富田莊訪江若水兼次席上韻

行樂正逢秋熟時村人笑語稼如茨偷閒携友趣何逸
乘興尋君心不期上砌陰苔禽印篆翻階霜葉客題詩
狂歌放飲留三日始信人情貴舊知

紅葉

飽霜何待著狂飈拂砌侵階滿意飄一向明時堪照夜
十分濃處不崇朝姑容韓氏將詩寫豈忍香山為酒燒
秋景媚人今爛熳若添鶯語錯桃夭

松雪軒 應友人需

曉雪飄々與夕兼松梢高積尖峰尖向晴蓋影低當戶

欲凍清聲倒落簷清氣祇應侵鶴夢寒威那得損龍髯
定知軒下延詩客君句先成不道鹽

元旦

立春在除日
第六句故云

一年曆日又更端鏡裡蒼顏轉厭看投老未知何處好
藏真惟覺醉鄉寬雪猶留白歸蓬鬢春已分青到菜盤
賴有疎慵天不管且教我輩養衰殘

題為圃亭贈主人神田氏

村烟一抹隔城闌羨爾置莊紅過頻兩扇紫門無客到
數聲金磬有僧隣庭栽疎竹看常足籬護春蔬摘更新
書劍飄零吾失計願為抱甕灌園人

次韵磯一峰歸鄉途中舟過淀川有作

歸舟整棹下長川望入斜陽鳥外天幡嶽詞靈人盡仰
琴高魚美世皆傳金城玉壘墻頭出露荻風蒲岸脚連
正好酒醒尋句處一痕晴月透波圓

詠菊茶應輪王一品法親王教

音同群卉競春妍占得秋容只自憐萬斛桂香飄盡後
一枝梅信到來先笑邀明月影何瘦老飽清霜顏且鮮
俗眼相看從棄置陶詩拾取到今傳

呈賀

呈賀

須論偕老百年歡相得綢繆比亦難綽約仙姿冰映玉
蹠蹠妙舞鳳將鸞黃花新釀香初熟紅葉前題墨未乾
從此陽春消息好塔庭定見出芝蘭

東山精舍寫望

山頂香門接紫霞坐憑危檻岸烏紗白知芳草盡邊水
紅認綠陰深處花清楚透林聲細碎醉題在壁字多斜
佛燈時點古龕角影射松梢雙宿鴉

山行遇雨

行到崎嶇處雲來擁翠微雷從頭上起雨掠髮邊飛林
鳥爭巢入溪漁罷釣歸晚晴殊可喜虹掛媚殘暉

元日

除日
雨

非因梅與柳隨處見年華宿雨補山翠春流吞岸紉又
逢新節序已換幾烟霞所愧當明世將身屬釣槎

夏日閒步到竹田村

遲々步不休時立野橋頭箏氣出深竹菰根侵細流犬
隨分餉婦童放帶犁牛臨眺皆應好東山幾處樓

池南溟園林賞雪

園林來對雪看盡整斜時松上積初落梅梢盈亦持氣
因醒酒覺味為煮茶知向夕不燒燭錯哦明月詩

坂陽郭外移居

巷南皆梵宇無處不樓臺
賃宅移書帙招隣設酒盃
小池當戶湛雙井倚門開
僻遠任人說未妨詩客來

雪夜宿妓院

笙歌人正倦舞雪尚紛紛
凍鎖秦樓月寒凝巫峽雲
風光爭粉艷春意付紅裙
眠到三竿日從教宿酒醺

春雪

在冬飄不得卻是艷陽時
補素梅邊綴穿珠柳際垂
塞鴻迷去路社燕誤來期
便看成泥處平蕪綠陸離

秋日同江子微遊郭外野亭

野亭臨隴畝喜汝此携壺
芋菜風搖扇棉花露泣珠
窓

晴羣嶂起林響一蟬孤
滿目多秋意衰翁氣亦蘊

愁

千端還萬緒蹤跡固無窮
徧滿青天下縱橫白日中
佳人眉鎖翠壯士鬢飄蓬
請看醉鄉外誰邊路不通

元日

東風何處早觸柳到鶯邊
遠戀青衿日頻驚白髮年
婦慵憑婢力兒長及吾肩
爛醉真無惜狂歌柏葉前

垂絲海棠

新看清明雨幽芳發滿枝
無花應誤柳多緒亦非絲
露重憐紅濕風徐見影垂
一春慵似我少有起來時

登錢原寶積寺

錢原山名在山崎雖居人頗多不過津田井尻等數姓所以結句云

雨

幾思遊寶積始得到錢原望水頻移杖推雲直入門巔
晴高鳥避浦白數帆翻更愛土風朴朱陳成一村

次韻高森老醫國西溪即事

寂歷西山下人眠野渡舟川如銀帶繞峰似玉簪抽牛
犢將群飲息雖傍毋浮京塵全此盡故有地仙遊

季秋松尾山採菌

山深土更肥產菌帶松脂如啓仙人掌似抽雷鼓槌忽
逢過屐處便喜滿籠時若使夷齊採終身合不饑

故人大鳴氏於園亭側多植牡丹中有通白者最

可愛因賞作詩詠之

界破紫紅堆成叢別徑開歌如懸羽扇仰似捧銀盃國
艷人皆異天香蝶亦情縱能湘子術箇樣恐難裁

秋日南都道中

愛此江南道人稀趣更多得詩無紙筆信口只吟哦影
黑雲低岫聲寒雨過荷今年秋大熟到處頌嘉禾

除夕

老慣歷窮節匆匆何足驚寒星穿戶爛臘熾滿盃傾謀
婦還諸債呼兒問幾更醉來眠復起隱几欲鷄鳴

元日

年華添物態惟訝似欺予短髮霜餘草窮愁水下魚老
難堪節序懶任廢詩書鄉思徒何切欲歸無弊廬

遊護念院奉呈海公上人

空門無客過鐘磬六時幽禪寂師嘗慣塵勞我未休名
山晴對戶野竹翠當樓若問安心法如何說得不

春山石詩 并序

某鑿國蓄一盆石名曰春山蓋家世所傳也其
色如漆其狀類三峯中有白處望之似懸泉實
奇玩哉一日來乞詩因作此

來自春山裡未曾離几邊觸雲含宿潤噴雪掛長川穩
訝六鼇駕勢如三嶋連奇章藏不得還為董仙傳

春日郊行經故城基有感

郊行經故壘隨處易跼踖廢苑桃爭發空濠水半枯花
同春不盡人與世皆殊欲去迷南北歸樵隔壠呼

夏日遊清水寺僧房

精舍臨溪曲園深更有亭座涼風透竹屨濕雨過庭客
醉貪煎茗僧閑了課經歸途不憇晚幾點照泥螢

登醍醐山寄某隱叟

經盡東郊路崎嶇山忽深醞泉穿石罅梵室架雲岑藤

老掛猿樹竹寒栖鳳林因思鳴翁隱近在翠微陰鳴翁古之

隱者有舊宅在焉今以某叟比之

中秋汎舟

蟾魄媚中秋娟娟逐放舟影涵盈酌蟻明起欲眠鴉縱說庾家賞爭如袁渚遊汧泗凌万頃或恐祀牽牛

冬日過觀詩衲菴居

師嘗住名利因事辭去

辭寺聊菴處支茅數竹椽一心無住著萬事有因緣瓶貯煮茶水窓含煨芋烟論詩過亦好不獨要林泉

某公筵上詠紅白二假梅

某公夫人剪絲而所作

肖貌非因畫春窓別出奇裁紅欺鶴頂剪素當冰肌彷彿

佛疑香動交加見影歌簷禽窺不忒似欲就橫枝

重過詩僧改上人墓

上人淨屠氏之工詩者也嘗隱于深草山之霞谷今有墳

墓在其舊菴側只種竹三竿不別存碑碣有草山集行于世

改公墳墓在傳是此棲遲除有三竿竹終無隻字碑人

高霞谷隱我愛草山詩重過留題去祇應地下知

遊大梅法常寺奉呈堂頭巖和尚

蘭若梅峯裡似遊仙子家亂泉侵竹滴回磴入松斜雖禁杜康酒堪斟趙老茶誰知城市客三日宿烟霞

贈五井老教授

高士本無營為儒老有名度冬惟布被專夜獨燈檠取

醉酒三椀遣閒棊一枰隱居常講道未肯謁公卿

次答水準夫春晚見寄

間人罕所嘗臨水獨徜徉飛絮委波定幽花隔竹香詩
篇時偶至韻調也何長信有索居恨無由同詠觴

客中同諸友輩飲集池田氏村莊有作軒前有山狀類富士

今稱小士巔者即此

幽亭宜飲集魚愛主人賢座致高陽侶窓當小士巔圖書供玩賞鷄黍要留連歸路寧愁險籃輿任醉眠

季夏過葛中谷宅飲而有作

高齋堪避暑簟帶浪紋開蒸麪薦烏麥展圖評墨梅話

長飛鳥定吟溢亂蟬催酌寧為慮臨歸又舉盃

山寺對月

藤蘿行未盡利湧忽崢嶸村近窺烟火山空坐月明
岩秋爽色一犬夜深聲雲路堪攀桂昂頭即玉京

九月十三夜同諸詞客飲集西正民宅

盛集期良夜高齋白社頭菊花當晚節月色又深秋
隔竹磬聲冷侵筵松影流瑤樽通曙酌車轄不須投

臘月掘江叟招飲賦謝

我髮一何短如君亦白鬚相迎成會集誰忍不歡娛
臘味賒新釀春和付暖爐想應堪市隱出戶即塵衢

秋夜旅懷

月白砧聲苦風高雁翅斜愁人倘無夢終合不還家

夏夜旅懷

北客偏愁熱三更未掩扉鄉程疑不遠一夢片時歸

題畫

高樓簾半捲人立綠楊灣卻是多情處相看如等閒

和山居

門雖容俗輟地足寄孤蹤夜月前村杵夕陽隣寺鐘
添庭外竹子落屋頭松時復尋芝朮穿雲策瘦筇

四隣垣不築樵徑接山園嵐翠當軒滴野蕪侵砌響琴

書堪自樂薪水肯辭煩田父携壺酒時來扣我門

且暮破岑寂禽聲集樹梢淨瓶分碧澗漏屋補黃茅常

與烟霞侶懶從朝市交階苔穿破盡應是鹿羸跑

茅舍清堪隱吾生信有涯菜腥棲艸鷺聲聒浴池蛙種

藥乘朝雨荷鋤帶晚霞歸來猶忍倦石上煮胡麻

棹籬三四尺畢竟勝雕牆道豈離窮巷愁無到醉鄉曲

肱間卧穩鼓腹放歌長山菜時々摘渾忘屢絕糧

家傳吾所寶書畫兩三函那假竹醫俗自然居不凡村


童鳴社鼓溪女濯春衫知己詢誰是庭前一老杉

雪後對山

瑞芝軒八景之一

三

錦天山房



積雪諸峯霽瑤光射眼寒興來誰放棹醉去獨凭欄

隔江燈火同

漁燈三五点耿耿隔前汀風外頻明滅錯疑照水螢

隣寺磬聲同

隣磬臨晨發夢醒聽更奇數聲敲已歇知是了經時

以下摘句

老懷於世渾無味衰眼逢春別有花歲朝口占

肉肥應飽桃花水味美尤宜竹葉春津田公惠鯉魚賦此呈謝

雨將寒去猶侵曉病與年除不及春元旦

再面難期春夢外雙魚無賴晚潮前寄久別

石怪蘚痕添老色花酣蝶夢宿深枝智積院假山

風底芳飛翻蝶夢枝頭綠淺露鴛身遊仁和寺看花

苦辛不省滿顛雪聲譽無憑過耳風閑中雜吟

根下土香逢伏兔枝頭風度聽吟龍次韻水足氏曾根松

桃花浪暖重三節柳絮風酣百五天李春德山毛利君朝觀江都途中有

詩代林九成次韻奉呈

新似春初經雨柳淡如秋後飽霜花題伊藤儒士遺稿

苔花長紫非因雨竹色堆青欲拂雲遊栗岡氏園亭

真隱須論塵外跡高情何羨洞中仙仲夏訪管一翁村居

風裡清輝疑欲凍雨餘輕靄不妨晴同友人中秋賞月

輿窓望雪士峰曉馬首看花武野春送寺升子春公之東武

千帆影過斜陽外一雁聲來杳靄中秋晚遊蓬萊為

聽鐘登島寺乞食歎漁扉送僧歸海西

人敲花裡戶僧坐雨中窓題某禪師菴壁

桂香浮茗椀蛩語襍簷鈴中秋山寺賞月

山近結廬地人傳墜國名贈疎竹菴寂喲翁雅喜詠歌吟詠之事尤精醫術

似為曉霞深不因晴日融鳥居生書齋前有一紅梅樹花時可愛顏曰紅雪為作此

詩

寬取煮茶水筵來侵竹風夏日谷口亭避暑于三輪儒生而飲生有詩次韻以贈

望水心何遠着山興不孤秋日同江子微遊郭外野亭

雄詞三峽水壯思九層樓的禪衲見訊適予有江西之行留詩而奔他日次韻以答

砌長絰春筍鼎燒終日香首夏訪亮禪師菴居

星稀疑欲曉虫響不堪寒中秋近以直宅賞月

俊逸羨君輩飄零慙我生永原英才見過有詩次韻

抱石雲偏懶侵花竹亦香秀野亭

栗墜苞初破松香菌正肥季秋登醍醐山

曉月驛燈淡秋風山菓香故人錄氏省親歸播陽臨岐贈此

枝寒窺獨鳥池定數疎星中秋原田處士園亭賞月

耕釣利名外琴樽風月前閑居偶成

帖石斜開徑澆花深決渠山居

枕流清入骨養竹翠遮欄同

有詩牽野興無物攬間眠同

梳稀雙鬢脫錢盡一囊輕同

烟崖春蕨嫩霜圃晚菘稠同

鳥山輔門

芝軒子號香軒稱孫平次亦善詩著有香軒畧

集

遊山寺得深字

數里歇且涉樓臺高出林四隣青嶂合一塢白雲深上
界稀人語中天響梵音百年城市客何日復登臨

舟中早行

雲遮湖面未天明蓬漏踈燈宿鷺驚萬頃蒼波殘夢裏
穩勝馬上著鞭行

落葉二十韻

萬葉霜方降徒憐節序更頻飄如欲舞交墜似相爭已
疊十分積初鋪一樣平誰人將酒煖我輩把茶烹帶濕
遲々下催寒策々鳴亂難期聚散枉任作縱橫栖鳥林
間噪遊魚水上驚月中翩有影風外寂無聲照砌粧秋
色當階弄晚晴長廊僧踏過廢苑鹿穿行細味歐陽賦
因思韓氏情山童迷去路野客失歸程委地泥應汚敲

窓夢不成高懸蛛網密遠逐馬蹄輕埽徑先粘後開門
忽滿城霏微同雨洒爛熳與花明紅認斜暉漏青知羣
嶂呈或時沈硯沼向夕撲燈檠今日堪全盡來春得復
生豈惟於草木塵世幾枯榮

晚步六言

芳草渡頭日落綠楊堤上烟籠行々不知遠近去々忽
失西東

牧曲

短笛無腔亦聽奇前坡草色雨晴時聲々不作斷腸曲
牛背倒騎隨意吹

鎖雲關

應僧義海請

鎖却白雲長不開肯將魂夢到陽臺無心惟在無塵地
借問何年出岫來

自述

伏陽桃花似河陽古城基殘更淒涼北接京城南宇水
元來此處即吾鄉正德戊子秋七月大風卷地勢甚狂
萬竅怒號震山岳沙礫如葉恣飛揚慨然堪發少陵嘆
吹倒江上一草堂須臾雲起天又雨沛然直似瀉銀潢
走就西隣避風雨々晴風定向昏黃洪水乍漲郭門外
白浪翻雪四茫茫龜鼉得志頻出沒沙禽欲下又高翔

大地忽作憑夷府家人驚怖上舟航我曾遭此風水患
來任浪花江城傍佳氣鬱乎山河壯遙仰仁德古帝王
帝王騎龍去不返猶令膏澤俾虞唐一自此地移家後
至今已歷十三霜軒前雖無十箇竹亦有海榴高出墻
五月開花殊可賞秋來結子得更嘗曾是家君手自種
種日未及一尺長家君既去妻亦死夢魂如水冷空房
孩兒慕母頻號泣相見如何不心傷對酒但須慰懷抱
寧辭一舉累十觴四壁蕭然有何物近來酒債不得償
吾生元自甘淡薄飯蔬飲水亦充腸此味王侯不曾識
黃金屋裡度年光食前方丈兼水陸佳人侍宴奏笙簧

富如鄧通終餓死衛青雖貴本牧羊一貧一富皆有命
高枕北窓傲羲皇

山寺讀書

正喜喧堪避僧房事事奇佛燈供夜讀齋飲共晨炊
苔綠埋簷瓦山青入硯池就他何用問開卷即吾師

冬日郊行

小春風日正融郭外間行任路通十里平原秋一色
蒿花誤雪夕陽中

自伏見赴南都道中

曙日色蒼涼江南路更長稻香風滿野荷氣雨過塘處

處魚鹽市村村水竹鄉渡頭喚舟久回首惜斜陽

村居

野性貧何厭疎慵得自由松根侵砌老花氣隔離幽山
近偏當面雲流不礙眸我今學為圃荷鋤向西疇

夏日即事

庭院無人日更遲清風一枕夢成時晚來有雨聲何急
洗卻芭蕉葉上詩

管仲

乾時兵不利自請就幽囚鮑子真知己桓公本是讐名
堪稱仲父業已合諸侯若致區區死芳聲爭得流

夏日登愛宕山

攀盡藤蘿歷幾程拂苔坐石憇還行群峰多占下方小
嶮路始於高頂平杖屨雲邊侵鳥道松杉風外指龜城
山僧六月不知熱團扇在牀塵自生

遊華嚴禪院

秋林松子落古砌薜花班定起僧無事支頤看遠山

秋日郊行

出郭微吟步夕陽平蕪烟盡冷秋光千畦露重稻梁熟
一路霜飛橘柚香

子猷訪戴圖

一葦輕浮載月來
溪光如畫雪初開
偶然時想竹安否
未必門前興盡回

雪夜宿妓院

六出成堆一皓然
青樓夜色轉堪憐
鴛鴦被底春如海
玳瑁筵中酒似泉
滿砌寒光侵燭影
過窗朔吹亂薰烟
夢魂不作灞橋看
直向楚雲臺上眠

秋夜偶興回文

清陰密鎖松窓暗
紫艷繁開菊徑荒
明月弄沙庭吐白
急風逐葉木飄黃

夏夜宿田家

偶宿村中值雨晴
客懷如洗夕涼生
始知農事多辛苦
月下頻聞打麥聲

蘿

似藤長引蔓
嫋々托松枝
縱得雲霄志
終無特立時

中秋無月

細雨如絲洒不休
賞心零落懶登樓
嫦娥謾負中秋約
慙悴頻添孤客愁
五夜銀缸明的一
枝金桂遠悠悠
人間安得知微術
天柱峰頭把酒遊

賀渥生氏五十

滿樽傾北海
多壽祝南山
方說百年半
未看雙鬢斑
有

兒殊俊逸無事自清閑好作村中吏卜居棠柘間
李秋上浣同友人遊某氏別業

出城數里到南莊地接棠麻野趣長偶趁勝遊消半日
況今佳節近重陽一窓葉雨晴還墜千頃稼雲秋正香
或酌或吟興何逸山鐘敲了月昏黃

觀猴戲

輕身通臂狀何奇百戲當筵無不為真是一場堪悅目
異他巴峽斷腸時

明皇

兵起中原亂似麻鑾輿西幸向天涯馬嵬坡下一抔土

瘞却多情解語花

夏夜江行

暮雲飛斷水悠悠涼思乘晴快似秋楊柳梢頭群鷺宿
菱荷香裡一螢流滿樓明月誰吹笛兩岸清風各放舟
安得烟波江上任百年無事伴沙鷗

梨花月

月滿中庭夜可憐一株香雪曲欄前人間顏色何堪比
好興嫦娥獨闌妍

春曉

夢回殘月透簾明枝上春禽喚曉晴欲向薔薇深處立

滿身花露不勝清

重過城南菊花村有感

野景宜人絕塵喧杖頭載酒々滿樽在々青山鮮於畫
秋晴爽氣滿乾坤漸經數里日方午取路直入菊花村
一村雞犬家幾許東隣西舍世為婚未樓畫閣未曾識
誅茅為屋竹為門居人恰如避世者土風淳厚長兒孫
此境由來多植菊南陽鄴縣未足論千朶萬朶相爭發
一望粲然照秋原隱逸之名良有以獨甘寂寞托芳根
天姿高潔當晚節何怕九月肅霜繁萬解秋香人不管
惟見殘蝶逐風翻叢間僅可容吾屐屐齒和露破苔痕

今秋再到對花飲花如相識笑不言憶昔故人我共賞
故人此日已不存他年我輩亦如此一生所經幾寒暄
懷抱凄然難成醉回首西風立黃昏

遊南村僧菴

菴處隣墟落來遊三伏天僧敲炊飯火童汲煮茶泉室
窄堪容膝墻低欲及肩炎蒸全此盡不獨斷塵緣

寄江若水

吟身滿洒類風狂老去剝除雙鬢霜羸少遺金多酒債
家無長物有詩囊城中聊卜卓錫地門外遙通織錦坊
朝市雲林渾不說百年到處醉為鄉

漫興

多病多愁相逐催壯心從此已低推十年蹤跡風前絮
百歲光陰陌上埃白水真人辭我去青氈舊物付他來
蓬門晝掩無過客偶有吟僧月下推

九日

十年落魄在江湖兄弟後來一箇無此日縱能歸故國
登高誰共插茱萸

貧士

百年何不過萬事總無憑身是江湖客跡同雲水僧春
夜酬酒債夜月當書燈除却吾夫子有誰能曲肱

賀五井老教授八十

出群志氣欲凌虹萬卷收來在腹中蹤跡須稱真隱逸
簞瓢不改舊家風河南夫子學堪比渭上老人齡得同
一粒神丹君服否渥然顏色尚如童
此地重過淚濕衣青山依舊帶斜暉歌樓舞榭皆零落
不獨人非郭亦非

春日郊行

平蕪烟暖覺泥融野徑如他曲復通一水西流歸大海
群山北峙倚層穹人々共醉芳菲節岸々晴吹楊柳風

向晚笛聲何處起前灣罷釣有漁翁

平蕩篔簹水

百尺筠筒一水通引來直入草堂中源頭疑自武陵起

偶送桃花數瓣紅

地州九日遊僧舍

偶扣禪關入白雲青松陰裡路纔分重陽獨欠黃花酒

終日僧翻貝葉文一炷殘香憑曲几無邊落木對斜曛

上方別有諸天在隱々山鐘隔竹聞

露洗銀河夜色清人家隔竹一燈明乘涼時倚西窓坐

蛩語殷勤似有情

以下摘句

夜雨疎燈空入夢曉風殘月謾吞聲 悼西村永年

術稱醫國手齡及杖家年 賀野澤醫士五十

滿地有松影半天唯鶴聲 八月十六夜

Table of contents for the right page, listing various poems and authors in vertical columns.

熙朝詩會卷第五十四目錄

益田助 七十五首

江兼通 五十五首

Main body of the table of contents on the left page, listing poems and authors in vertical columns.

少讀書學詩於新井白石與梁景鸞釋法霖為
詩友也所著有鶴樓遺編三卷性喜客坐賓恒
滿酒肉雜陳晝夜相繼無有間斷伯隣坐起其
間醉則假寐寤則酣暢不必為賓主禮容亦悅
其真率至則如在己家
室直清師禮曰益田生學詩於白石先生先生
之詩俊逸清新直與唐人上下而益田生得其
清雅韓使使之來聘也生與之唱和而韓使亦深
稱之生之詩初若無可喜者徐而見之清婉可
愛而最善近體律詩

原善公道曰白石以經世為任故雖詩至工妙
固不欲以教人稱門人者至寡矣田鶴樓獨以
詩稱弟子白石與之交終始不渝與佐久間洞
巖書云吾故人莫鶴樓如焉中秋月三十一年
必借賞之今年携二子來有詩云滿堂明月中
秋色歸路清風十里程
東徐耕子藏曰鶴樓雖以詩被稱於世葆光脫
落不欲屑以文藝從而自居則曰一賣藥翁
豈欲泊自喜求人聚慕且效韓伯休好名之
甚刻若逃名之為或為之醜也唯可與飲耳無

朝無暮無時不醉素善三弦技好世所謂長唱
者每會客席必奏其曲或一日人不至僮僕乃
憂鶴棲之不樂竊詣其常相善者招之必邀而
止以為常

春晝送人

送君芳草地併欲送春歸一別千山路楊花到處飛

春日即事

日午簾垂酒力微夢魂猶送晚春歸青山雨後櫻桃熟
綠徑風前蝴蝶飛

暮春東叡山看花暮過香月亭下

客散林間夕日鐘樓臺高聳暮雲重雙峯月照東南路
萬樹花飛上下風

晚秋雨後即事

涼風吹片雨返照半庭明露下黃花早天邊白鳥輕捲
簾醒酒氣傷竹響茶聲一榻留深語悠然有古情

九月十五夜陪天爵堂宴和韻

高城鐘漏滿天霜夜靜賓筵引燭光桂樹猶留明月色
梅花近報小春香堂前美酒尊常滿紙上雲烟筆欲狂
他日臨臯風露夕請看道士着玄裳

癸未中秋白石先生辱臨陋巷此夜無月先生近

日得禁法而合靈藥僕家纔藏蚌珠數枚呈之以
充其方劑辱得高詩蒙謝謹奉和其韻

連日多風雨凄涼邀月樓傳方詭出府擣藥免經秋城
外停珂處樽前秉燭遊却羞無照夜雲暗海東頭

子夜復歌

檐外一株梅花時人不見微雨綠陰深開簾通乳燕

明妃夢歸漢宮

明妃漸減漢宮粧深坐無人獨自傷愁裏紫臺年已久
寐中青海路空長花飄繡戶風吹面雪撲疆城曉襲裳
覺後猶疑非是夢從來不得見君王

賦烟艸

南夷烟艸昔誰栽縷切盤中小作推不是碧筒通酒氣
應須玉管動葭灰山中怡悅持雲贈席上飛談捲霧來
莫問紫陽仙子術食霞吸景到蓬萊

山寺

寶刹憑虛隔翠微上方臺殿竊餘暉松風萬壑雲如涌
錫杖聲中白鶴飛

送梁景齋就宦之播州

攬轡雲飛尊酒間武昌楊柳正堪攀我揮別淚空臨水
客唱離歌已出關棧道行看新樹色岐山應似故人顏

君今半百猶強健只待何年衣錦還

和霞洲公

涼風吹雨暑雲收露氣□林桂樹幽近寺樓臺鐘磬晚
千家砧杵雁鴻秋吾今老欲歌三樂君又何須賦四愁
此會年：應莫負金樽綠酒伴清遊

江上秋晚

涼風江上起暮色 間分磬鳴澄孤月帆飛隱片雲

做梁景鸞古閨中作

陌上逢郎處花間顧妾時兩心傳密意不使外人知

賦曉

春晚雜咏
三首之一

青林懸落月百舌隔牆聽漏盡虛清枕燈殘冷畫屏輕
風吹宿霧暗水照稀星昨夜多餅飲昏：半未醒

咏安石榴

紅華安石榴朱實出仙都墮地星成石堆盤淚作珠
脂汚皓齒玳瑁折丹膏欲止相如渴大槩在玉壺

暮春

把酒尊前惜暮春醉中猶憶舊時人桃花點地苔還靜
艸色連階鳥自馴袖置鴻書千里字運留龍劍十年塵
江山舉目依然在無那風光共老身

次妓家韻

翠樓歌罷夜雲寒
十二欄前燭影殘
月暗女奴扶醉去
不知蕙裡有人看

次友人歸山韻

遠自中峯小路分
松杉風外瀑泉聞
故人別後應相憶
不識何時贈白雲

右劍

楚鏡吹霜氣精光
歲月多清泉寒可洗
赤土滑相磨既
向軍門舞且將
客舍歌夜來誰欲吼
神物更如何

和湛然師見寄韻

曹溪餘派在清淨
照禪心我未題
明鏡誰能辨
素琴鶴

蹤苔色古鶯語竹陰深
老懶兼多病何時訪道林

春溪晚興

雨歇溪流淨
桃花歷亂開
幽人尋藥去
漁父捕魚回
水暗春雲合
山明月來相携
迷出處疑是入天苔

人弃妾

十五鳴機在洞房
一得郎顧即從郎
繡戶紗窓梳洗罷
且將團扇掩新妝
爐薰靜倚芙蓉帳
佩響時登玳瑁床
近教趙女學歌舞
羅毅裁來好袖長
宛轉迎風嬌如蝶
身隨遊賞心應慙
携琴柳下翠吹鬟
酌酒花間紅映頰
昔日人言妾似花
今春自識花似妾
花開十日雨兼風

不待春歸變綠葉去欲辭君玉淚垂出門前路步遲
草色青迷裙帶色低頭羞日頻娥眉多年豈背當熊志
一朝空懷換馬悲夕雨曉雲暫及掌此情應復訴阿誰
梁監漢携其詩至遂示用其韵

芳樹臨江花滿城春窻九藥轉流鶯池邊艸色猶通夢
嶺上松枝更有情紫氣浮關霞並起青山當席月俱清
因思鴝鵒當時舞起向樽前一坐傾

海公山房

五老峯前地西東水石分夜窓靈籟發朝閣妙音聞樹
密留黃鳥山遙送白雲交遊無俗物終日只論文

又

原識宗雷輩追隨遠大師社中嘗許飲林下共題詩竹
淨風飄徑花明水到池上方鐘磬起暝色滿山時

又

匡谷移居日詩書載幾車帝鄉千里錫佛室四時花竹
影當棋落茶烟繞榻斜鈎簾飛鳥外遙對赤城霞

又

遠公開淨社不肯出廬山夜雨連林上春雲起澗間漏
教同侶刻花許侍童攀我亦從玄度溪橋相往還

秋夜同梁景鸞分題夢歸鄉

客舍秋生枕簟間滿窓霜露冷刀環歸心對月常終夕
旅夢隨風繞故山人境暗迷前日路逢人尚駐舊時顏
醒來認得鄉關遠白水青天不可攀

聞源子操自浞城向洛陽有此寄

長川繞郭水車鳴指點雲山數十程百犬牽船蘆葦泝
平明直到洛陽城

又

西風吹樹萬蟬鳴別後相思計旅程秋入江樓明月夕
故人歸到武昌城

和島歸德桃源行

輕舟一棹已迷津四月桃林尚見春相送出門含笑去
郎君不是再來人

遊海公山房得來字

早秋殘暑退携杖出郊來道路方傾蓋江湖已渡杯
芭蕉餘雨落竹樹亂雲開坐久天將夕鐘聲處處催

和島歸德訪山中道士韻

落月松蘿萬壑風清晨叩齒已三通香烟繞几春雲外
白鶴將雛舞洞中

答僧曇華

鸞音金碧像光彩照人顏長者嘗求地高僧不買山川

笙秋樹外法鼓午雲間我亦從陶令溪橋帶笑還

和歸德上牛頭山作

水雲龍象地花雨梵王宮後閣山巔出前川野岸通長
廊移竹月逸磬落松風聞說狂歌老時、憇此中

羽衣士將移居葛西賦此寄贈

川源繚繞夕陽低落木寒烟望轉迷君去欲投青竹杖
水雲回首葛西

寄人

高城鐘漏夜聲遲水上寒風拂面吹栖鳥不啼枯柳月
知君舟棹渡江時

中秋約梁景鸞不至賦贈

江南一別感居諸况復秋天萬里餘有客應聞洞庭雁
憑君尚問武昌魚樽前遣與聊持酌海內論心幾寄書
昔記東山歌舞在風流近日又何如

同歸德晚秋泛舟過牛頭寺和韻

乘舟尋梵寺短棹渡蘆洲塔勢憑虛涌鐘音隔岸流雲
來林影合日入水光浮一望巖山下淒然憶昔游

和高子式見寄韻

共愛林中趣口懷物外情枕衾憐獨臥詩酒結同盟散
帙江風至彈琴竹月生韓康猶賣藥白首未逃名

游仙詩

我昔從師拜木公去追鸞鳳綠雲中
城樓十二知天近洞府三千有路通
石髓玄冬凝斷壁松花白日動微風
由來市上無人識賣藥于今往海東

暮春過墨水

東風愁寂送春歸水打長堤亂晚暉
野渡呼舟立沙岸岸傍桃李向人飛

和松巒遙見寄思韻

思君明月夕江上瞰蒼流雁度千山晚
砧鳴萬戶秋松間人採藥海外客浮舟
畫鶴樓中酒仙翁期再游

訪羽山人葛西隱居

丹丘之北羽人家一徑風怡木槿花
碧石葦間舟不繫青帘林下酒應賒
蘭將隱操傳琴韻橋接仙方汲丹華
肥遯從來無俗物知君高與托烟霞

重過羽山人

溪橋再渡訪仙家樹淡丹楓菊着花
白舫葦間秋水遠青帘竹裡夕陽賒
山雲封谷舒情素野鷗窺人照鬢華
却恨潮生歸棹速依林樾隱餘霞

和僧曇萃韻

道路莫衝京兆車尹欵冬霜薄未開
花秋風落葉人相

問口詣長安處士家

夏日閨情

薄悵凝紅夢深閨晝漸長自憐花委地却羨燕歸梁羅帶移春瘦寶釵懶晚妝捲簾仍起坐雨溼水沉香

七月既望夜小飲約友人不至

問君前夕與誰游赤壁江山接素秋對酒吾生悲一粟吹簫何處徹孤舟霜飛碧樹栖烏鵲露下銀河映斗牛醉後共憐風月好何論天地寄蜉蝣

送友人二首

上國多游子今朝更送君山光連驛樹海色入鄉雲

馬臨風立啼鴉到曉聞秋來歸可好對月細論文

自謂西歸客翻如去故鄉白雲臨別酒綠樹映行裝只

羨遊伊水無因問洛陽昔時携手處今日不曾忘

春日寄梁景鸞

雨送輕寒入我衣一窓風竹酒醒時梁閣落月疑顏色鏡裏春霜怯鬢絲石榴晴來嬌雀浴花枝暖動早蜂窺人生百歲冷同病近日江南有所思

寄友人

萋萋芳艸幾時生一坐論文酒復清依竹白梅烟外色轉枝黃鳥雨中聲楚雲湘水渾成夢明月音樽空寄情

萬里故人相憶否花開時在洛陽城

新來燕子

烏衣國裏遍春光燕、知時來去忙
拂雨暗迷香柳色
啣泥時帶碧芹香散因尋伴翻作
泊頭為營巢繞屋梁
社日年、應到此竹籬茅舍莫相忘

禁門松雪

雪滿喬松覆禁闌三山近壓紫烟微
仙雲深護蒼龍臥
瑞日平臨白鶴飛
楨幹光寒迎劍佩
庭階影落映裳衣
非關羯鼓催花柳
春向萬年枝上歸
同諸子遊墨水

郊原春尚在杖屨訪清幽
野艸飛黃蝶川波泛白鷗
看碑尋故事入寺憶曾游
晚日微風岸
歸人發小舟

秋日游海公山房

樹杪人家少登臨徑路幽
川雲含雨去澗水帶烟流
岳色中天暮鐘聲下界秋
還將橋上笑携午出林丘

邊城四時詞

夕烽連照隴山雲
漢將揚旗鏃鼓聞
十月河水寒渡馬
滿天朔雪夜移軍

山庭春日

東風拂水草萋萋
竹近幽窓鶯亂啼
唯見樵夫歸去後

半山斜日杏花西

春日感昔遊寄梁景鸞

烟花空度十春春
幾感曾遊淚滿巾
醉後自憐歌古調
與君同是舊時人

春日寄僧

天高南嶽別丹霞
欲問平安隔歲華
海岳偏宜飛杖錫
風塵豈得浣袈裟
雲開佛室朝呼粥
空擁僧房夜煮茶
定識禪餘行樂好
祇園春樹鳥啣花

夏日

衡門車轍客來稀
滿徑蓬蒿對夕暉
綠蔭近聽黃鳥轉

青山遠見白雲歸
龕公隱操誰能識
阮籍疎狂世已違
我亦他時婚娶畢
不妨向老偃荆扉

邊城早秋

天兵十萬戍漁陽
青海秋寒日暈黃
塞上旆旌懸漢月
軍中戈戟拂胡霜

夏日江村

山雲遙度水西東
茅屋斜連竹樹中
桑柘漸深高岸隱
荻蒲猶短小橋通
漁人網罟三竿日
估客舟船五兩風
江上畫長波浪靜
群鷗來狎白頭翁

樓上得山字

寒林風斷白雲間月度清溪雪滿山
獨上高樓空悵望何人昨夜棹舟歸

寄景鸞

弱冠才名擬鳳鸞唯今南國共儒官
雙珠遠近光相映西劍雌雄氣可看
海內交深書札到樓中興淺酒杯寒
最憐天爵堂前月桂樹花疎半已殘

送和景鸞孟春五日見懷韻

鴻書忽慰斷音塵白雪遙傳句更新
雲浪暗來已峽水烟霞暖動武陵春
愁中復嘆今年老座上多非舊日人
聞說梅花香逐夢風吹一夜度江津

壽樞孺人賦菖陽引年

漢家仙藥得菖陽玉女峰頭九節香
白兔新春天上劑青龍舊授海中方
千秋菊葉生南澗五月萱花照北堂
猶說庭闈多壽色流霞偏勸萬年觴

初秋諸君至

西來秋色雪峯寒袖拂涼風共倚欄
綠酒各同蓮葉飲素琴誰向竹林彈
徒消歲月添詩艸早晚江湖把釣竿
為喜烹魚留一醉故人今日問加餐

早春憶故人

又見東風動柳條江城一別故人遙
鶯聲谷口雲初暖艸色池邊雪未消
獨坐北山夜月行歌南浦送春潮

新年為報平安字握筆何時慰寂寥

和高子式見寄韻

雨過橋下水通溝雲散遙峯竹近樓觴咏已傳三日會

絃歌何比七賢游辛夷花盡春將老杜宇色殘日照愁

不問東山携妓興清談只自屬吾儔

月思

浮生多代謝明月古今同夜色江山外秋意艸樹中鴻

飛銀漢遠人去翠樓空愁寂不能寢鳴蟲白露散

石竹

一簇幽芳壓竹欄麝香眠處雨初乾將因剪綵爭奇巧

細葉濃花子細看

春日與諸君集高子式宅

清江橋下水光多雨後春雲拂檻過艸色帶烟垂弱柳

松陰射月動纖蘿風流不羨陶彭澤聚會應同晉永和

欲識吾人何限興請君為聽醉時歌

古寺

青松夾道碧層層佛室高懸白日燈畫壁隔花苔蘚暗

題詩多是六朝僧

以下摘句

竹淨聽鶯蕊花飛駐馬時

春日江行

明月寺

樹色沉、燈燭外花香灑、酒盃中

天爵堂

雪夜月憐回棹去春山花憶並鞍看

贈景鸞

幾片從龍去孤飛逐鶴輕

賦雲

獵、西風竹拂軒微雲籠月度黃昏

中秋

鶴下暗霄翻片雪螢流暗水點疎星

和中秋

長隄斜日下近寺片雲寒

過牛頭寺

家傳白兔長生藥坐對黃花晚節香錦里園中收芋栗

柴棗室裏引壺觴

九月十三夜

梁鴻曾對齊眉案孔鯉應趨學禮庭

和梁景鸞

朦朧樹色昏籠月寂寞潮色夜打庭

須磨咏古

桂樹白雲隨賦客桃花紅雨點漁蓑

和谷景鸞人日見寄

情多共惜青春去交久初知白髮催細竹林中新送筍

斜枝葉底暗藏梅

雨中送春同梁景鸞

雲去開初月寒輕度半春

夜宴

竹暹露多朝折筍節檐烟濕午蒸藜

擬精雨輞川莊

江無通

字子徹號若水攝津人其家世以釀酒致資千

金子微幼好讀書學詩於鳥山芝軒年未四十

屬家政於其子益買異書以自娛隱居嵐山從

緇林耆孺而游日以吟咏為事享保己酉卒著

有西山樵唱

物雙松茂卿曰江翁詩莫有耿介志士之風迺
能種稽其辭荊榛其趣萬永平其味之也莫有
游間公子之好迺能樂其利安其分優猶千其
言之也其調雖未得超中晚而上之迺能句而
順字而協髣髴乎唐音也

版元喬子遷曰江山人隱于嵐山十年矣以詩

稱焉蓋其為人天真橫出蟬蛻方之外故其詩
也身與之化觸機立應不啻養蠅其幽也道流
僧侶無乃友之所輔乎其奇也大嶽巨川無乃

神之所助乎其觀物寄巧也艸木風雲之變鳥
獸魚鼈之態其將奪造化之蘊乎

富逸曰休曰亾友江若叟一生精力盡於詩矣
每臨雅筵筆端縱橫詩腸無燥自匪有所得者
能如此乎為人恢拓不護影迹肆口贊毀無所
趨避且無百玩好之奪吟志

申維翰周伯曰浪華之山川城郭草樹煙霞即
君肺腑中物所與逍遙遊者并日東石勝吾固
一把袂而喚作黃庭仙也再展卷而知為玄圃
珍也

題五城洞巖老人所畫清平調圖

太白詞豪冠李唐一斗百篇醒亦狂
 天寶年間承聖旨醉中高唱郢人章
 由來此曲韻尤勝秘在梨園第一坊
 自從采石捉明月日夜江流正渺茫
 豈圖千載長庚夢再落人間到博桑
 儒雅風流兼善畫前生能事未曾忘
 新圖寄我三千里壁間桂置讀書堂
 中畫水獨相對沉香亭畔舊風光
 雲掩空欄香艷冶紅白露凝香
 絕世佳人傾國色纖腰斜曳繡羅裳
 翠翹金雀映蟬鬢宛轉蛾眉宮樣粧
 太平天子嫣然笑不知鞞鼓動漁陽
 深宮奢侈堪描繪可觀君王有色荒
 眼中忽聽清平調

丹青之妙實難量

次韻文徵明新燕

二月東風社日來長安陌上柳色開
 烏衣國裡初辭蟄萬戶漫尋舊巢入
 細雨連朝晴久陰黃土黑泥融且濕
 誰家葺壘棲止寂春園花旖旎甲第
 主人多不是予飛誤落空堂底世路從
 來本不安今年莫做去年看王謝宗族
 渾為古人間難保千金富吾德西山已
 十年琴書無恙白雲前柴門流水枳花
 籬一任營巢及竹椽飛來飛去正翩翩
 壘泥屢污讀書筵但知貪屋雖早晚
 年依舊能棲燕

難波氏亭咏古松

齊前誰所種霜雪幾曾經
戲柏同剛節莊椿齊大齡
高枝懸兔魄瘦甲帶龍腥
剗到盤根處應須得茯苓

石竹花

春後花初綻重錢樣團彫成
紅塢瑤挺立碧琅玕
山廚來眠圃衙蜂飛觸欄
化工何太巧刺繡恐應難

高雄山看紅楓

楓樹橋邊寺依佈吳水涯
貪看霜後葉錯認雨餘花
幽谷翻紅雪寒山絢彩霞
撞人煖酒樵路暮烟遮

水竹園

幽居宜懶性水竹伴閑吟
洗硯釣魚瀨題詩棲鳳林
清沉聲漱玉明月影節金
唯見七賢侶過橋日訪尋

春日訪六山人遺跡

草堂依嶽麓花竹足風烟
梁外雙燕壁描六人仙書
殘多蝕字琴古自無弦
欲吊徵君墓捫蘿陟翠巔

中秋雨後不見月

黯淡今宵月騷人何處遊
鐘聲山上寺燈影水邊樓
梧葉猶含雨桂花空領秋
誰勞風伯午雲霧一時收

松茵

鬱鬱青松塢數莖何太奇
秋陽蒸出處曉露潤成時
帶

土銅釘直傍巖室歎若令高皓識不必採靈芝
九日訪僧

龜嶠携筇日籠山落帽天樽中無菊酒几上有芸編僧
生白雲底鹿鳴紅樹邊詩賜堪可滌巖罅桂飛泉
下元夜同泉南山本氏遊湯山善福寺

馬邑下元夜沿流到上方藤枯猿挂月楓落雁啼霜安
識蘭金侶相逢萍水鄉坐來寒氣逼俱擬浴温湯

壬寅元日

今朝蓋尾酒只愧髮邊絲正值昇平日空懷少壯時漁
樵閑事業山水懶生涯夢裡池塘草不堪寫入詩

次韻寄居老

謝容門長掩頭顱懶剝除天重供午餉山鬼薦春蔬法
界諸緣斷禪心萬境虛溶溶雲起處知是道人居

題芝軒先生墓

城南徵士墓鳥天夕陽邊空問九泉別方經一紀年路
傍無刺草世上有遺編往事渾如夢相思淚自漣

十八夜還山同詔鳳詞伯賞月

湖中倦遊客還舍已斜曛蕙帳延棲鶴蘿窓掃懶雲秋
風過一半夜月減三分閒臥西山好評詩况有君

游及山步醉竹尊者韻

涉水登墟落蕭然尊者家空心雖醉竹懶性不移花豔
坐繩牀爛經行石經斜隣后何日下野服深烟霞

奉天祖徠先生

擬續猗蘭操鸞膠膠獨自尋腹中五經笥膝上一張琴
覺面楹夢誰傳大雅音幽魂招不得遺譜沃難禁

雪後迎客

曉起推窓霽雪堆寒光隨晷滅浮埃隔林聲響恐應竹
渡水香來知是梅玉宇璇階人佇立瓊沙瑤草鶴飛回
輕舟咿嘍門前港寧使王郎歸興催

題北山處士幽居兼用前韻

茅屋烟浮紫翠堆閑雲遮斷利名埃一家藝術詩書畫
三徑風流松竹梅問字儒生携酒到爛柯樵子鬪碁回
卜隣吾亦頻相訪世遠終無入事催

春雲如鶴

一片春雲影似鶴踰蹊飛去復飛回無心只合歸遼海
垂翅何妨宿楚臺日暖遙從孤岫出風輕莫是九臯來
山中二月養花候細雨將同石燕催

千里鏡

隻眼臨時鏡樣光誰家餘巧接筒長：房縮地何為異
曼倩窺天也不妨千里遙岑來咫尺五湖遠水現尋常

晚晴擊出登樓客渺、雲烟是故鄉

次韻北山處士二首

無媒徑路絕車塵犬吠孤村寂寞濱
空濶須邀明月宿
境幽堪與白雲隣
門前栽柳陶元亮
谷口耕巖鄭子真
濁酒三杯何所樂
碧溪魚美好投綸
龍門雲阻闕音塵
何料詩筒到澗濱
白壁一雙人乞謁
青錢百萬客求憐
淡中文態詎非淺
醉裡詞豪語却真
軟血騷壇能作主
筆鋒不必讓盧綸

樓上話別用醉竹尊者韻

兩岸風烟似灞橋
馬蹄到此恨何饒
空、雲水家安在

兀、關山路更遙
破曉行裝還布納
終宵別話倒茶瓢
嗟余未肯離塵俗
却為遊僧綰柳條

故鄉元日

老去還鄉會遇春
家園荒盡却依人
樽前論齒少同甲
門外賀年多旧親
空對梅花思往昔
豈垂葦索媚元辰
忽、欲問飛鴻道
雪解西山紫巖新

復用前韻謝惠墨

墨鄉誤到野人居
一笑相逢情不疎
祇合韞藏如室玉
胡為塗抹及詩書
屏前鴛鴦吹塵後
案上蟾蜍吐水餘
覓句研時知有趣
濃雲忽自手中舒

喜醉竹尊者過訪

西山九月日蕭條野鹿吟、落葉飄黃犢牧餘霜腐州
烏煤題盡雨荒蕉穿林斜照銜危磴飲澗長虹補斷橋
解后東歸千里客十年情愫話終宵

復用前韻寄提巖大周二上人

海國微茫天一限歸心長倚仲宣樓煙橫晚浦煎湖火
砲響空山輸粟舟路斷重開家萬里雲暗西地月中秋
慙慙寄與平安字難弟難兄無恙不

雁

湘南塞北幾艱難萬里嘶蘆兩羽翰岸畔傳霜楓葉醉

洲前叫月荻花寒鄉關山疊天何遠澤國煙晴水正寬
滿目稻梁秋已熟行、飛下暮雲端

夢梅

夢入羅浮寂莫鄉分明靈裡問孤芳魂迷竹外垂、影
心醉橋邊泛、香月落前村過半夜臘殘東閣向三陽
一聲隣笛俄然覺手轉參橫恨更長

詠松賀大可翁七十

憐爾後凋君子姿亭、獨立歲寒時蒼髯不歷秋風變
翠黛猶含曉露滋蓋偃堪棲一双鶴根蟠欲化六藏龜
如今雖老安無用大厦良材世已知

月下見水車

輓：孤輪流水鄉眠鷗宿鶯忽飛翔餅涵璧月團圓影
軸捲金波激灑光竟夜注筒應恰好明朝灌圃莫相妨
誰能分我一杯綠滌却沉吟熱肺腸

村居春詠十首 錄一

那堪春雨漏破屋補黃茅引得咩：雀簷間早定巢
待僧不至

隔雲隱：放參鐘寺在龜山第一峯何事應真飛錫晚
落梅村裡夕陽昏

七夕詠草

乞巧樓前綠幾莖滿叢玉露逼人清
莫向天河路上生

旅亭秋興

枕上關山夢斷時滿亭霜月笛聲悲
多少羈愁亂如絲

啼猿送客

巫峽蕭：半夜秋晴雲靄樹使人愁
明月寒江去客舟

歲暮

楊柳隄頭築釣亭結盟鷗鷺共忘形
諸君看灘上東流水

送盡年光不暫停

新荷

田、貼水台芳菲四月西湖綠正肥忽被狂風吹曉露
瑠璃盤上碎珠璣

裏柳

幾回送斷馬蹄塵灞水秋寒古岸濱縱使翠眉憔悴盡
纖腰猶似舊宮人

水仙花

玉櫛金釵綠髮堆仙姿婢灼水為媒新香恨殺春風信
剛被梅花占得魁

雁字

不隨蒼頡點平沙書破秋空勢易斜數行傳去霜風信
萬里湘南客憶家

紙帳

四圍穀浪白於紗滿灑偏宜逋客家眠熟不知風雪曉
殘燈猶照玉梅花

除夕

節物闌珊搔鬢蓬向人漫道坐詩窮心頭無限終年事
吟盡寒窓夜雨中

詩翁問漁翁

明月寺

六月頭弄釣竿沙乾水涸獲魚難漁翁爭似詩翁靜
高臥風窓夢自安

漁翁答詩翁

搖藤支頤語未工前賢多是坐詩窮漁家幸有滄浪曲
不用沉吟鬢作翁

梅花月最清

月桂前村鶴戾邊梅花相映最清妍誰知今夜春消息
直自廣寒宮裡傳

禪房花木深

千章花木掩巖扉辜負春風客到稀白日茶煙禪榻靜

予禽啣得輓紅飛

逢貫隆甫

一別桃源空問津水流花謝幾春回武昌城外今相見
不用天涯各避秦

客中自憶

一柄蒲葵臥亦揮西山煙翠轉霏微黃粱未熟邯鄲夢
來往風塵何日歸

初夏午睡

遠窓蕉葉午陰多漫把唐詩乘醉哦恍惚曲肱高自枕
清風吹夢入南柯

水亭納涼

亭枕晴灣夏亦寒
遮窓翠柳映欄干
中閑却蒲葵扇
醉向波心弄釣竿

燈花

忽向銀缸結嫩紅
纒垂照映碧紗籠
夜深時被飛蟲撲
狼籍何唯簾隙風

訪醉竹尊者房

老僧閑與白雲棲
細、樵蹊客自迷
二月山中幾晴雨
梅邊粘屐落花泥

殘春書懷

落盡殘花山正青
杜鵑牽恨雨冥冥
三春歡樂渾如夢
茅屋茶煙畫掩扃

以下摘句

霜飛天更浮
木落月偏宜
九月十三夜西華醉扁過秋興堂賞月

波開金世界
風拭鏡乾坤
中秋湖寺賞月

身退知今是
齡高登古稀
賀玄三醫翁七十

僧課六時佛
容尋三月花
知恩院看花

石岸崩時嘆已夫
平橋斷處奈歸歟
阻水宿桑玉禪房

月照鏡湖三萬頃
人憑金界一層樓
十六夜湖寺賞月

飲露應依蓮並蒂
冷風合息樹連枝
北巽鳥

蕙悵夜深山鶴語蘆洲秋冷塞鴻飛答錦江島詞伯

年逐人蹤趨世路春隨鳥語到山中次醉竹尊者元旦韻

集外詩

再用前韻酬李東郭

士望堂：比岱山儒豪獨占藝林間鷄窓遍讀古今史
鰲禁早抽名利關階下花磚日高入宮中蓮燭夜深還
客亭寄我新詩好試欲賡酬只汗顏

呈洪鏡湖

微茫烟浪隔家山過海漂洋數月間燦：文星輝絕域
熒：紫氣溢重關壯心豈碍奔縵去雄辯何難完壁還

佳句驚人今四傑王楊盧駱欲無顏


呈嚴龍湖

故國迢：山上山使星先入搏來間海西擊楫三千里
江危乘輅百二關秋後方逢文旆過臘前要看錦衣還
不知明日河邊別誰唱驪歌解旅顏

以金絲烟寄贈李東郭

採得頭黃已去筋剪成金縷一何芬面前乍起紛：霧
香罇徐生曳：雲非酒能消詩客恨代茶好破睡魔軍
多情誰喚相思卮寄與征人把管薰

贈洪鏡湖



關西千里道，返旆此停鞍。先喜善隣好，空嗟識面難。清
容森玉樹，厚誼感金蘭。休唱方言異，詩情猶未闌。

訪李東郭

鄉關雲萬里，何日慰歸心。偶到石精舍，初逢老翰林。容
中猶劇飲，醉裏只豪吟。酬唱君無厭，重來此訪尋。

咏烟艸贈東郭李先生

僕性嗜吸烟，曾撰烟譜一卷。明人諸說頗能裒
錄焉，只以欠其詩為恨耳。故附小詩，敢請四君

高和

裁時只族落花雨，曝處還期明月天。形管噴來雲幾片

回頭自訝是飛仙

咏金絲烟贈嚴龍湖

萬絲剪出絲金黃，氣味新成別種香。一吸消愁過酒力
何論炎帝未曾嘗

送嚴龍湖回朝鮮

東遊何必問仙瀛，彩鷁乘風指去程。萬里已隨專對使
三秋多詠未歸情。波神宮外收帆泊，澗客室前鼓棹行
繫纜金山春二月，入參五葉正敷榮

Blank page with vertical lines for text.

熙朝詩薈卷五十五

江都友野瑛子玉輯

東龜年

字龜年號蓋田伊東氏稱金藏江戶人學於物
金谷仕尾藩未幾有故致仕以講說為業以善
文著聞當此時畿園老宿彫落殆盡龜年與岳
東海維持其遺教獎誘後進文化六年卒年七
十六歲著藍田文集
瀨觀子瀾曰先生詩以文成合轍於漢魏六朝
比蹤於開天嘉隆體裁森嚴意氣激烈豈可與

今之以奕弱纖麗為巧者一律而論哉
錦天山房詩話蓋田詩浮響多而實際少

送高山人歸隱金華

君不見山人為人尤卓犖個儻志大雅好學嘗來東都
卜僑居擬向王門曳長裾登高試賦郢中曲坐茅徒釣
武昌魚十載輾軻心不平遂背青雲棄世榮挾策更游
薦紳際詞賦一朝超時英藝林已刷凌霄羽恰如野鶴
群雞鶩睥睨作者負奇氣高蹈詞壇欲獨步娥眉紅顏
妒易生男兒有才多所忤絲來衆口能鑠金無那浸潤
膚受想膚受臧否亂如絲市上虎成親知疑山人本是

江湖性被髮銜垢心不競避言避色謝絕交排悶煙霞
諷且詠笑殺學道猶闡茸為治輕裝指舊壑嗚呼山人
歸與鹿豕游人間名利豈足重

題先兄鵬舉畫光山霧降瀑圖

昔我同兄攀光嶽定省家尊祇彼時勝情俱誇濟勝具
窮幽尋遠莫不窺湖水瀑布四十八霧降之瀑為最奇
高岫翠微當大麓碧檀青檜鬱參差取蹊羊腸幾屈曲
嶮崖捫蘿危不持纜下絕谷澗底仰數級懸泉三十丈
豈特張楷五里比錯疑銀漢白日朗百匹素練如飄風
萬斛玉屑似撒空怪巖雷激晴噴雪珠迸石盤碎且臧

皆觸睛眩但爛燦鬢髮當作白髮亂此境繇來非人間
神僊占宅龍蛇追觀之良久恍自失絕倒水湄幾回歎
歎罷家兄探腰下忽抽絲筆巧相寫撫掌傳觀稱奪真
繪事風流信蕭灑乃今屈指三十歲追思渺茫夢寐際
事去人亡唯圖存虛嗟逝水淚沾袂

五日放歌

昔年為儒至白頭自笑五日尚披素裁詩大雅倍時好
作文奇古倍時流鬪草競渡似世路娥眉才華易遇妒
誰昔學道多輾轉不如投筆學老圃

秋來

秋來湖海客愁緒亂如蓬浪跡升沉外微名憎愛中避
人從僻性矯首望冥鴻富貴非吾好浮雲滿碧空

蒼顏

蒼顏秋與老濁酒興還清心向青雲薄身因白髮輕論
才羞我輩談命感人生世路關心處書成多古情

江上送別得韻陽

片颿飛七澤千里度三湘雨色迷遙岫雲容接大荒人
歸新桂樹月照舊江鄉別後煙波外相思南斗傍

哭金谷先生

天地無聊甚愁看翰墨林卽攀靈座慟誰向夜臺尋涕

淚如江灑恩情猶父深獨餘函丈蹟未報在三心

春雨中探韻

春雨青簑侶攜尊慰寂寥真情緣醉露禮數為貧贖紅
濕庭花墜綠吹園莽飄但憐幽趣愜吾道屬漁樵

雨中得豪字

負郭春天雨蕭條附濁醪文章無世識宇宙有吾豪傲
骨銷猶在悲歌澁自高茅茨從漏濕養拙臥蓬蒿

擬長安春

金城天府國赤縣帝州春嶽雪韶光霽官梅物候新條
風吹九陌和氣滿三秦章曲闕鷄客章臺走馬入陂暄

生綠草冰泮舞青蘋已遇洪鈞轉仍欣流眄頻

擬緱山月夜聞王子晉吹笙

緱山灝氣碧霄浮羽客吹笙夜轉幽響似鳳鳴同月度
聲隨鶴影共雲流涼颼迥上嵩丘曉清韻猶徹洛水秋
優路寧無離別恨遙空曲闕使人愁

題壁

儒衣陋巷避牆東性僻衡門客自空一世浮名經術外
千秋盛事陸沈中曾游燕市人無駭試看吳鉤氣有虹
獨笑暮三生計拙乾坤傲骨為誰雄

寄懷遠一丈

高陽勝會久蕭然何處青尊白髮前
恍惚曾賒燕市酒風流猶憶習家筵
不知歧路憐同病但愧交情讓舊年
嗟爾于今能玩世牀頭無恙漆園編

輓鳳湫先生

豐城風雨失龍泉紫氣中原更黯然
晉代張華傳博物淮南鴻寶入陳編
渥洼駁骨空林裏門容生芻積雪前
回首人間無大藥聊揮涕淚訴寒天

過飲張府津子隣郊舍次韻席上見贈答謝

梁苑詞人意不疎春宵剪燭對閑居
聊將鄒衍譚天語更問長卿諫獵書
恍恍論交情轉密風流下士左偏虛

銜孟為是容狂態謾傍平臺忘曳裾

夜夢得奈士卿遊金龜島詩作和覺後唯記捲雪
來三字戲用其三字賡韻以實之

詞客幽尋海氣開登臨此夕倚崔嵬
月浮渤澥同潮湧濤擁芙蓉捲雪來
天靜恰聞湘女瑟賦成誰擬木華才
羨君彩筆能來興和郢新詩夢裡裁

元身游常之龍碕同錢江上

同人出餞醉江干處士洲頭把袂看
華髮零丁供賦筆清時落魄笑儒冠
霜飛澤國青楓老秋暮山村紫菊寒
寄語龍碕諸子弟農桑餘力築詞壇

津輕山文學書至中有佳什見示賦答

孤鴻遙落海雲端千里交情仍舊看詞客天涯耽騁翰
故人江上慰加餐歸田賦帶春華色和郢歌裁白雪寒
即使風流長不負習池難逐接羅歡

熊耳先生顧過草堂尋石文卿至喜賦

一代文宗盟不寒衡門車轍舊時歡百年湖海甘儒服
半日琴尊侍鷓冠秋盡菊花霜已老雨晴松葉露初乾
晚來更有風騷客醉裡新詩兼燭看

同游東叡明靜院酬六如上人見貽

秋暮東山古梵臺醞醕能許紫霞盃丹楓時映醜顏落

黃菊猶邀白足開路熟人知安石屐興闌詩見慧休才
高僧為愛攢眉客醉裡時時待月回

寄題播摩島文學大鵬環翠樓

百尺危樓積翠間憑欄四面盡青山春光細染城雲麗
秋色高懸海月閑絲筆從來飛白雪丹梯况復閉玄關
亦思多暇耽奇字好事何人載酒攀

觀魚橋馬嶼清眼寺四絕之一

曳筇泉石際倚檻即滌梁橋下魚千里悠然與汝忘

兩國橋行人

長橋跨二州欄撐三百丈人在水煙中似踏彩虹往

擬從軍游獵

將軍游獵玉關西
草盡平沙千騎齊
歐獸胡塵行欲滅
李陵臺畔朔雲低

病中寄懷豐濟美

豐城夜暗老龍吟
匣裡霜華凜欲侵
未遇延平雷雨日
層樓徒倚斗間尋

送人歸峽中

鄉關何處白雲重
客路風寒度幾峯
此去試看秋色裡
青天削出玉芙蓉

雨中得故人書

...

各天消息久漫漫
江上征鴻烟雨寒
萬里故人將尺素
交情無恙慰加餐

送僧還湖中得者字

彌天回望路漫漫
休謂人間離別難
好去琵琶湖上月
故山歸向定中看

敝廬小集山崎精患脚不至為訊分韻

陌上韶光負郭寒
乘春詞客此盤桓
知音本有諸賢在
莫作荆山抱璞看

題畫

途窮橋斷危嶠木
落江清暮秋不識誰
家白髮垂綸閑

觀鈴子述畫二卷石圖引

君不聞蓋田腐儒有米癖苦心昔蓄十餘石小大磊砢
 各異狀倦時好作非言容就中賜城水晶石瑰奇絕特
 洵可憐加旃大礮暴龜石真如元龜大可尺其餘八九
 皆絕俗愛護珍藏如拱壁朝夕轉出怡性靈覽觀把弄
 弗忍釋可憐祝融嘗為祟一夜連燒火格澤十餘奇石
 為烏有碌々纔存二卷石人生豈唯歎窮身物亦有數
 不易索又不見鷗汀高人工繪事忽觀二石顧數四歸
 去他日拂縞素匠心搦管三致意一是千載木化石外

銜文理內堅利數寸峯巒鬱嶙峋凸凹犖牙皆具備蒼
 潤含兩阿堵中危巖嶮崖互相媚一是上毛三塲石質
 如削鐵色純粹片石雖迺可壓書斷岸幾曲極是致卧
 游焉煩濟勝具文房坐遂山水志畫乎真乎恍自失真
 乎畫乎真乎壺翻咲葉公驚真龍復咲石屏画工賈匪
 獨人間有傲倖于嗟物亦有傲倖祇今蓋田石成玉寶
 倚鷗汀毛作穎彩筆巧揮一何穎碌々卷石又何幸
 觀出羽國子敬藏山水圖

君不見羽州騷士敦詩書翫喝歲月貪三餘傍多雅尚
 好圖画忽攜厨画訪精廬云是逖矣西土出異代何人

揮絛筆瞪目半餉三絕叫意匠經營境寫實寫實寫真
真可憐三尺小幘山百千中有江流幾屈曲白日晴來
斂水煙近渚石畔怪巖簇繫得昨夜緣灘船灘上枯檜
綠蒼鬱林外麗譙誰流連其餘道觀暨佛刹濃淡隱見
都蒼然翠微孤閣人相倚洲嘴危橋客周旋奕棋臺邊
嶺老峻柯爛斧朽不逢僊左岸三曲嶠遠轉巒磯燕尾
岫似羸山盡茫洋望海門水天一色不可辨玄度勝情
坐得愜少文臥游興寧淺觀罷豈須縮地術萬里江山
可懷卷

雜詩

清時餘棄物老賤自無妨已翫人間世猶羞酒後狂
堂非可上野性竟難忘唯是追同好江湖醉作鄉

肥前海雲師索贈為賦

名利西來客安居此結跡澄心深一悟傳法轉三車
猛虎馴禪榻香風送雨花知師閑事好山綠午天賒

冬日桶士栗秋士烈二生載酒見過得東字

羊求三徑裡載酒問牆東
雙眼青同籍一經玄似雄
尊開俱樂聖詩就竝稱工
短景窺斜日興高寒色中

山居秋暝 廣越後市士馨韻

秋巖人與老丘壑送生涯
風勁飛枯葉天寒歸暮鴉
泉

因烹茗品日為讀書斜暝色樵蹊外前山鬼火賒

雨中小集分韻東

微雨知音會陰雲暑色空閑簷松帶露小圃草含風譚
古風塵外賦高盃酒中寧關河朔飲避世占牆東

暮春郊行過飲葉仲甫分韻

昨雨輕陰霽郊坳路未乾為非題鳳客邀作殺雞歡青
眼花猶笑春宵酒亦闌老羞龍性僻恐駭葉公看

田叔牧載酒見訪

無關奇字問載酒訪蓬蒿雙鬢經秋亂長歌因醉操自
從人翫世似是馬為曹相愛言詩客幽情弄彩毫

喜曹山人至賦贈

別來驚白髮酒後咲清狂未信窮無鬼唯欣醉有鄉茅
簷晴晚雨藥塢弄新芳縱向人間駐山林性不妨

和國子敬同余輩集飲管夏卿邸舍作

侯門臨紫陌官舍傍華堂卜日邀詞客開尊薦羽觴席
珍儒愧腐禮待寵生光彩筆詩悲壯清談興激昂歡深
心既醉坐久意相忘更有陽春曲和來難就章

冬日郊行

白露為霜後丹楓染葉初江扉過問菊藜杖植觀漁橋
斷迷歧路途窮傍廢渠聞雞窺午影隔竹認民居無管

村醪薄偏憐俗蹟疎水田鴻駭起菜圃客來鋤行散聊
乘暇偷閑尚有餘老農真可學僻性得姑舒寒樹收青
靄晚山晴碧虛渾論風日好幽討共何如

寒江晚眺

貂裘藜杖大江間霜後幽尋物自閑潮湧海門外淺渚
霞連汀樹擁寒山漁家網掛殘陽曝賈船帆含朔吹還
向晚煙波無賴劇感時猶試問澄灣

中秋賞月海磯天女觀

玉女花宮積水前佺攔萬里散潮煙海門捧出摩尼色
星漢暗來忉利天瑤瑟響從風外度桂花香自月中傳

詩成欲抱玄珠去還恐驪龍尚未眠

訪隱者不值

青巒丹巘碧崖窈樵逕才通一水隈竹亂懸崖聞虎嘯
雲飛絕澗識龍來芭蕉有葉留詩去石室無門題鳳回
羽化知君朝紫府虛餘僊客夾基臺

和井竹岡除夜過訪席上贈梅花見謝作

江天無是避紅塵除夜寒燈把酒親遲暮卽闌雙鬢色
風流特贈一枝春羅浮夢斷香隨月郢國歌飄雪照人
詞客醉裁何遜曲揮來絲筆轉清神

始聞秋風

清曉江扉煙霧開商殿昨夜枕頭來漆園蝶散莊周夢
汾水雲飛漢武才絲露蓮房紅欲墜綠陰梧葉碧初摧
洲前虛響吹無盡當有詞人侍楚臺

歲暮集飲陳中伯邸舍

侯門歲暮雪華殘傲吏玄亭把酒看青眼擁爐堪卜夜
醜顏交臂不知寒言詩郢客存新識秉燭高陽罄舊歡
人世風流多樂地江湖美必掛衣冠

奉驕定悅尊者見贈時奉朝命自瓜連常福寺

移住鎌倉光明寺

方外鴻書帶翠嵐人間春樹見優曇曾留真偈常山北

新泛慈航相水南巨刹白蓮開淨社高僧金錫卓名藍
何當遠訪叢林去講法筵中聽塵譚

送高生還遠州

休訝高生筑轉哀悲歌昨夜薦離盃借交燕市人空老
彈鋏齊門客已回故國名山秋采藥上池濃露月臨臺
青囊攜去歸田賦君自江湖避世才

送駒木生赴松前

海畔孤城絕域連塞雲關樹傍潮烟賈帆北控蝦蟇地
胡月東浮靺鞨天久見班禰送貢錦兼聞猖獗近侵邊
知卿應獻和我策雨露清時被八埏

禁城春色

天門曙闕 帝王城 紫禁春輝照玉京
旭日纔臨雙闕暖花枝半傍上林明
風前北渚寒烟歛雲表南山空
翠暗定長鳳池裁 詔容恩波染翰頌昇平

寄懷岐岨石士幹

一從傾蓋問知音幾向客居披野襟
東海濤驕枚叔發西山月伴伯牙琴
談天自笑屠龍技抱璞誰論求駿心
各地秋風何限思遙空不獨白雲深

送岡鴻伯得山字

憐君白首厭塵寰書劍西來歎段還
燕市曾賒愁裡酒

磻溪重見夢中山衡門夏晝松濤穩
故國秋風海月閑傲吏儻論天下士
文章落在布衣間

奉恩寓矚外山山莊

平臺仰矚棗花樓矧復西園宿露收
山出芙蓉千古雪泉飛河漢一條流
朱欄橋畔池初豁綠竹林中徑更幽
為是君恩同衆樂小臣俱入白雲游

題扇面畫竹

雨洗碧琅玕嬋娟露欲滴清風毫末生
秋聲方浙瀝

間庭櫻花

山村使君官邸四詠之一

玉樹花方開瑤臺雪未掃春光真可憐
孰與鄉關好

宮詞

終日魚龍戲後庭
藥欄宵靜護花鈴
深宮粉黛燈光下
侍講同聞女孝經

過袁山人舊居

十里春山日欲斜
孤村認得故人家
松關空鎖無人住
何處疎鐘送落花

墨水泛舟分韻

烟波不負舊綸巾
鷗鷺尋盟墨水濱
波上縱非投杖客
仙源恐似泛槎人

送西天師還常陽枕石寺分韻

故山歸去白雲秋
古剎紺園松菊幽
林下小橋紅葉徑
知師枕石漱清流

梅花

小苑芳情人倚闌
冰魂寧管朔風寒
黃昏更掛清江月
錯作羅浮夢後看

以下摘句

鼠噉憂殘飯兒寒憶典衣 不寐

北溟鯤化雲垂翼南國梅開雪滿枝 謝韓容和韻

萬頃濤銜秋色湧千帆影帶夕陽來 陪昌平公子條達
橋舟行避暑中河

海口

寵王禮樂周文物宗室衣冠漢舊儀癸巳之春拜准后大王於東巖山

芙蓉佩冷三川水鴻雁風寒雙鬢秋秋雨中

地接香臺花欲散天逢佳節雨全收三日陪日出侯獨松山莊燕

下士身忘侯伯爵朝天人作鳳鸞看日出赫公乾歌

雪埋輦路松杉暗花滿春山冠佩空芳野懷古

雲歛天邊山倚檻潮來海上月浮空應葉芸閣微題長島侯獨樂園

野店農兼賈民居澤作鄉孟冬十一日携兒惟肖往葛西新宿訪門人村上生

海畔青山暗爽外樓前皓月早涼中送永書記還加賀

秋雲交態年薄曉夢愁夜長秋日

江城曉夢懸開月驛使音書問早梅寄懷會津桐千秋

兩濃雲嶽連天起八郡魚鹽傍海多送儀滄洲

午天山靜鐘初響野樹風輕花欲飛春日携諸子郊行游廣佛寺

夢後石橋殘夜月髮邊鬢髮故鄉山送本世義還守都宮

城樹漸低看月早市塵稍遠望山多甲寅首春

鄭國公孫真博物吳中李子即知音松蘿公子發軔前見在賦此奉贈

峯梳鬢髮秋風亂月照烏江夜色虛得本世義書代翰謝

東惟肖
字良弼號鼇岳稱幼之助藍田長子

筆
江淹工入夢王掾大如椽兔穎毫猶細鼠鬚名久傳秦

時成製後班業策勲年但羨生花好當時有謫仙

送妙音上人從僧正延公歸日光

白足隨飛錫青春歸故丘山梳鬢髮峻地擁紺園幽傳
法祇林裡譚經鷺嶺頭曇花揮塵落金相掛燈浮衣白
清珠影才猶壓俊遊彩毫題妙偈更為鄙生投

岳融

字子陽號東海稱太仲三河人從餘熊耳而學

徙居江戶享和三年卒年六十九歲著有東海

文稿

錦天山房詩話子陽詩驕穉疎野句調滯澁益

沿於時習而才不至者耳

子夜歌三十首 錄三

旨酒不甘口嬌絃不入耳聊有歡愛情已作煩冤思
問我何所憶安有顛顏色欲無傍人知華容不可得
郎身但在茲中心在何處譬如蘭蕙花芳是逐風去

夏歌五首 錄一

雙鸞紅羅帳交龍金鏤牀昔思秋夜短今思夏夜長

冬歌五首 錄二

空牀身如水自顧抱重衾江上雙鴛鴦無復苦寒心
素雪積且深千里覆草樹皎、雖可憐懼絕郎來路

前溪歌

黃葛同心草百纏共相依斷枝生復結斷根死不離

做古詩十九首

昊天肅且高明星疎列陳歲月更相變忽至寒涼辰烈
風激喬樹枝葉日以分鴻雁逝南游野蟲吟草間我友
生羽翼翻飛翔青雲昔為兄與弟今為道路人苑瓜涉
不佩雲漢長無津貴賤心反覆難賴金石親

步出郭北門行：遵墳丘鷓鴣無好音枳棘一何脩下
有黃泉室冥：閉千秋遙寐何世人長夜杳悠：寄居
天地間倏忽比蜉蝣身世臨當垂絲繩結無由聊安先

與後賢愚難共留願得不死藥聞名非可求麗服適吾
意酣飲以遨遊

詠史

玩好厭其數况彼磨：言曼倩個儻士陸沉共周旋韞
光供戲弄守賤不為難逆鱗時有起一語解龍顏中心
憶補闕外面使人歡終日聞無倦往：存心肝誰言良
藥苦甘美可以前三冬其所得能浴百家淵獻替如神
化與道合自然悠：常謾世同列不稱賢

寄龜大夫哭友卿

君家才子龜友卿揚烏少小舊知名出就車中居膝下

從來故犢是人情况復徑寸明珠色掌中摩挲望連城
舌澁已誦千萬言弱冠果看老儒生小兒難呼楊德祖
一鷄爭推禰正平青衿後進真堪畏白首先生愧先鳴
豈意堦庭生玉樹忽起蕭條松柏聲更疑白駒千里足
却乘長風過隙征老去大夫無餘子唯是椽成不徒行
終送荒、蒿里外空抱遺草淚縱橫

千壽詞

鑰倉宮裡解語花本生天越長者家二十無餘名千壽
空向春風惜容華朝開明鏡照新妝夕結重關卧獨房
寧知平家貴公子身為楚囚到東方寧知承命持巾櫛

猗氏館中侍蘭湯多時出浴春日柳張緒當年濯、光
顛顛嬌姿能若此不論死灰已斷腸今夜暮春過風雨
愁裡落花飛無數美人搗琴為君來主人搗尊為君開
清歌勸酒杯入手志意沈、興未催更唱他生天上樂
嫣然傾盡手中杯酒酣鳴弦揮素腕琴心隨響通雲漢
此時乘興弄青絲急調激揚悲不亂笑言是我鈞天音
自彈是我廣陵散曲罷流眄歎傾城邂逅相逢何榮、
願聞請亦開丹唇戲言似淺情不減艷聲長謠報君憐
含羞桃花紅發面思深廣歌垓下吟不覺數行淚如霰
念君共濕紫羅衣送君共入紅羅幔無奈明朝死別離

燕子樓居心相期可憐陽臺一夜夢終成美人百年悲
遠別離

嗚呼悲哉遠別離不遭此悲告不知說著傍人將進酒
潦倒能忘那足悲去國辭家就悠悠關門開閉非必留
絕巖窮途還懸棧洪流無梁復容舟浮雲迴合異屏壁
長風慙慙送行客駐步回首來幾回故園何處終斷隔
雲山雲水杳無連萬里形勢入青天一望丈夫腸百轉
千莖白髮出鬢邊豈料歸路同來路有來無歸路空懸
蜀魂啼血幽冥裡漢使泣胡十九年楚囚哀弦越客吟
湘君洒淚湘江深殊方異代皆怨恨休言人面似人心

直置滿目他鄉色春花秋月生悽惻嗚呼悲哉遠別離
九州博大何無極

永代橋望西山晴雪

永代飛橋上芙蓉咫尺前空江浮白雪秀嶺插青天倒
影隨波動寒光射日懸仙宮竟難辨轉憶步雲邊

白雲抱幽石

孤雲紛不去奇石擁崖鬼樹杪風聲散崖間濕氣回依
依掩蘿薜暖映葦苔添得幽栖色閉扉更自開

春日

病裡邀春色墮然命濁醪窮途無客過側目使人高黃

鳥鳴三迳垂楊傍二毛生涯難解事原自便蓬蒿

自笑

曾識彫蟲伎華榮不可求誦騷因痛飲耽句為清秋多
病似高臥逐臣如倦遊凋零今日事自笑入風流

山下卜居

陸沈吾不克新築此幽栖壁頂青山立蹊臨綠野低孔
妻文藻足从母隱心齊從是人間世隣家遠犬雞

雨後

曉天寒雨散清吹落長松宿霧餘遙浦初陽射亂峯石
問泉響急林上露痕重瞻望開窓坐驚聞日午鐘

遊畫島

妙音天女殿寄跡水雲深湧出孤峯上蒼莖大海心
樓疑隱見鼇背懼浮沈回舫蚌中月獻珠外島陰

江樓夕望

騁望江樓勝高欄憑暮烟日春遙渚水雲冪遠山巔群
雁呼踰嶺孤帆去入天薄窮千里目暝色忽凄然

為劉玄育送大翁還紫陽兼壽七十初度

端見懸弧節仍聞命駕聲雲車歸紫府祖席餞江城兼
上千金壽聊留萬里行奉觴回北斗招日恨西征濟勝
仙翁具畏家室情斑衣空緩舞班馬竟悲鳴鳩杖疑人

贈函關有吏迎故函逢舊友九老會當成

感夏經歧岨

聊入歧岨峽時疑節候遷澗流隨路咽峰勢蔽人連風
出崖邊谷晨遲井底天仰攀穿積翠直下傍飛泉斷棧
餘氷柱高巔擎玉蓮觸層雲驟起接踵雨多懸驛館
林麓關門閉岫烟蟬鳴午睡後蠅絕畫舖前正是炎威
遠還非冷氣偏寒温怏行客險澀獨安憐

應天門觀早朝

應天高拂曙雲開紫陌蒼
曉騎來星控玉珂移北極
月迎銀燭隱西臺珮聲漸雜鶯聲起旌色遙分柳色迴

文武衣冠將盡入日光
纔動風城隈

寄君懿

辭家千里入江關北闕高雲不可攀
百歲人稀成白首
三更夢覺憶青山風流已厭吳門卒
憔悴長隨楚客顏
莫道驥心猶未老淹留唯愧故裘還

和人早春夢富嶽之作

芙蓉高雪映新年偏媚君家枕席邊
玄度不須勞濟具
少文堪自罷彈絃靈仙窟裡神遊入
玉女峯頭曉夢懸
若此春眠多逸興飄飄氣象滿佳篇

武城

武城形勝八州通想像當年創業雄
逐鹿中原瞻地利飛龍東海定天功
不須漢代徵臣策寧問齊蕃大國風
雲自帝都分五色千秋並擁鳳凰宮

塞下曲

孤軍深入胡半夜眠荒野烽火燭千山
一呼齊上馬

罷官卜居芝浦

罷官窮巷卜居閑猶望江城咫尺間
囊裡賜金今已盡無因避地買青山

度白井關

信陽行路白雲間更上青天白井關
回首旅魂欲消盡

家鄉苦隔萬重山

啼禽破幽寂 以下二集

幽棲愜隱心僻地集春禽將得池頭句
聊求夢裡吟石門人迹絕巖戶夕陽深
獨破閑窓睡啾啾喧樹陰

子勅卜居

牆東還避世何必入山林卜遇幽人吉
居因閉戶深市喧疎竹外雀噪破簷陰
已長繁華地誰知起隱必

初秋遶廷暉避暑東江寺見招不得至

雖變朱明節炎蒸滯孟秋故人愁火宅
蕭寺借涼樓遠逐袁公宴高臨墨水
流津梁迷世路恨負化城遊

京姬石 前兒洲海岸上有京姬都姬二大立石

西施浣息立江灣水鏡曾波寫玉顏
拂黛藤蘿懸絕壁
觸膚雲雨注群山
幾年客子傷必去何處君王入夢還
白石鄰、映湘月望夫千載露痕斑

秋日村居

東西蒿徑通籬落
遠桑柘唯見寒烟中
蕭、秋葉下

堤上行

青樓斜倚大江開
江北江南春水回
日暮津頭邀客處
紅顏一面躡歌來

秋閨怨

良人萬里在沙場
少婦空閨夜、長况復千家砧杵響
不教愁夢到漁陽

以下摘句

枯枝橫月靜
墜葉受風趨 閑適

萬木皆秋色
六時俱夕陽 海晏寺觀楓

倒戟胡霜下
収弓朔月傾 塞下曲

半嶺晴看三島兩
絕峯吹落八州風 函嶺關

溝通江海潮侵檻
地對芙蓉雪照樓 過飲源伯宅

執玉朝天周述職
秦惟還國漢分憂 奉送小泉侯歸國

天白開湖鏡
峯青接嶽蓮 送父文行游函嶺嶺有温泉

松間殘月窺人影石上凝霜印馬蹄曉發山驛

野木公臺

字子賤號東臯稱新左衛門江州人世仕彥根
侯初奉宋儒後讀物徂徠書大悅之悉棄其舊
學而學焉又就澤村琴所服部南郭而學普與
物門諸子交先是江人皆奉中江藤樹三宅尚
齋等學子賤始唱物氏說說經一主古註疏學
風為之一變天明四年卒年六十八歲著有藁
園集

松崎維時君脩曰子賤生蕃國不繇師承潛心

六經達觀古今特信物子學為洙泗之後一人
當其凝神惠思雖物子所論定於心少有不妥
必刻覈剴濯不苟阿其所好視之耳食者美啻
霄壤其操觚文足以立言言足以達意意不犯
法法不傷意庀材於秦漢得則於韓柳未始襲
王李一語廢然異乎世俗之撰可不謂豪傑之
士哉

劉維翰文翼曰子賤能厭朱明諸名家之境翮

翮奮其羽葳蕤婉轉所向靡不若意短而用長
氣勝而逸廢巧自檢其文健而無粉飾要刻意

昌黎河東二家

源康純少卿曰子賤蚤篤志道藝究經論義皓
首非衰餘力遊戲翰墨文則取法昌黎河東而
裁詞於諸家之集詩則仰範盛唐諸流而資材
明諸才子子賤之業比諸今諸作家大有逕度
者也

錦天山房詩話東臯詩清潤而不靡

歲晚言懷

北風何凜、霜雪傷草樹玉衡東北指崢嶸歲云暮四
時更代謝日月迭馳驅譬彼東流水滔、不暫住人生

倏忽逝良無金石固少壯能幾時多為佚遊誤前聖垂
大訓夙夜以欽慕常恐力不足俯仰懷憂苦茫、顧後
塗悠、望前路儻俛終匪懈千歲且夕遇

東都邊南郭東里二先生及諸子遊智乘院池上
城南有池水湛、清且漣芳蘭生其中含英一何鮮
棠泔水上思共美人奉美人不肯來念此摧心肝今日
良何日美人來周旋采蘭盈懷袖聊以盡娛歡

詠史

漢家聖天子原自代鄧來收帑除秦律旌水言路開謙
讓崇仁儉不敢作露臺帝德誠至矣海內詠康哉惜使

長沙傳徒負經濟才

湖山樵漁歌

村外青山、外湖、山縹緲樵漁居我今携酒來此地
攀巖臨水邊樵漁能採薪温我酒漁能理綸供我魚
偕來不辭就我飲持魚把酒飲有餘共傾數斗陶然醉
醉對湖山心轉虛

九日作

年、九日菊花杯對菊御杯醉一回今年九日看已過
明年九日又如何菊花年、依然發無那人間催白髮
九日年、依然至無那人間苦多事此日何處不登高

登高何處不酌醪酌醪何人不盡醉嗟予獨為折腰勞

寄田子緯

江上何所有梅花白似雪欲贈山中人春色不堪折山
中何所有白雲可怡悅君欲持贈我裊、不堪擷君去
江上客山中定憶梅花泣春風我思山中滯江上悵望
白雲嘆遙空山雲江花互相變人間情願隨處變但當
各安其所遇去留彼此莫相羨白雲紛兮飛嶺上紫桂
棟兮繞蕙帳倏然而去忽尔來使君曾襟自清曠江上
今日競春色尋芳士女無休息山中白雲長如此江上
梅花何足憶

春日上古澤山

自石田氏之墟

崎嶇探勝地惆悵問荒城險路捫蘿上深溪跋石行山
幽春樹合江湧夕陽明誰識登臨客空含萬古情

夜發烏江至桑那驛舟中作

烏江羨濃地

千樹迷烟渚孤舟苦石灘棹聲時破夢露氣曉增寒月
湧江流白星移夜色殘人言前路近遙指驛亭看

秋夜遊湖上

月出東方嶺涵虛湖色明荻花含露冷蘋葉引風輕悵
望憐橫槩高歌想濯纓醉來蓬底卧不覺到三更

山家

一路傍流上行、意欲迷逢人多卉服到處只猿啼地

僻天疑小山幽日易低避秦尋絕境何必武陵谿

次清水寺作

蕭寺曾遊地重來信宿還春風鐘磬外夜月薜蘿間世
事多年苦齋居數日閑何圖作吏去復得此躋攀

訪戶逸人不遇

重訪梁鴻去徘徊二水間人烟疎雨濕樹色夕陽閑丘
壑長相憶松蘿不可攀白雲違咫尺悵望灞陵山

九月十三日同諸子遊了觀上人房

蕭寺登高後良辰賞會開仍斟泛菊酒共倚雨花臺月

正逢晴夜人皆抱妙才揮毫復揮塵清興兩相催

哭功子舍

風流世子士藝苑久相知物外君仙去人間我夢思鑑
傳

神后錫銘勒大賢詞附驥聲名遠登龍品第奇干城匪
忘武翰墨併能詩不得金莖露長埋玉樹枝湖山秋景
慘丘壟晚風悲綠竹空亭色倚似舊時子舍居有
倚竹亭

寄慰琴所先生喪孺人

竊藥飄然叩帝閭廣寒宮冷鎖孤魂吹簫蹤跡終難逐
舉案風流尚自存巫峽朝雲來夢裡湘江春雨落啼痕

憐君夜、空閨月獨倚闌干歌鼓盆

聞東涯先生易簣賦呈琴所先生

東涯氣色入秋陰白露摧殘玉樹林人去文園草空在
龍歸延水劍難尋千年事業還天地一代風流作古今
借問招魂賦成否知君更抱楚臣心

夏晚同諸子遊湖上

郭門西畔大湖頭落日涼天對碧流岸樹重陰臨水動
江雲一半傍城浮汀洲幾處忘機鳥簫鼓何人避暑舟
回首更期風月夜重携尊酒醉清秋

九日雨登山亭得杯字

郭東亭子倚崔嵬此日登臨興壯哉把筆秋風吹落帽
凭欄雨色勸銜杯彩雲近接神仙窟綠水遙含帝女臺
自有吾曹高會在龍山豈獨孟嘉才

乙丑十一月恭聞藩主奉旨登日光山賦呈扈

從諸子

君侯擁節下三宮千騎翩向北東禁藪霄巖鳴劍佩
天門曉闢列巖熊雲移碧殿凝佳氣日繞雕梁掛彩虹
聞道從行攀玉樹子雲今已賦青葱

王程千里促星軺黑髮山高倚紫霄石馬晨迎金節動
霓旌夜拂玉珂飄明禋禮肅趨羣鬼陳錫圖恢福聖朝

扈從俱窺松栢路鬱葱佳氣繞岩峩

寄懷種元民南檢新田于峻智郡

微祿風塵意自清東菑奉使問黎氓幽襟定為村翁動
傲骨堪隨俗吏行十里荒原開草棘一樽明月宿柴荆
郊關到處君應見何地田疇好偶耕

舟行至葛浦遂探真間鴻臺之勝作

扶桑西畔武城東莽蒼南連海色中葛浦魚鹽餘舊俗
鴻臺草樹遶禪宮英雄異代悲兵畧娘子千秋怨國風
探勝江關行未遍歸舟解纜夕陽紅

鴻臺又謂國府臺里見氏之墟真間娘子即氏胡也

二紫及房皆古扶桑地葛浦實行德

甲戌秋自東都歸道經岐岨聊以紀行

旅衣蕭颯驛亭秋到處關河試勝遊縹緲嶽雲迎馬出
潺湲澗水傍人流風鳴棧畔松杉冷雨暗山中虎豹愁
招隱更憐騷客意此行看盡桂叢幽

北出岐岨叱馭來信濃山盡羨濃開前途野色眸初濶
昨宿雲峯首重回人物漸知鄉土近風光自慰僕夫哀
還家誇說東征事握筆慚無作賦才

卽事

春來十餘日日：未知春為向山村去初驚物候新

客中春日

東風思故國花鳥已應春不似他鄉柳青：愁殺人

楚宮怨得長字

錦帳風來蘭麝香玉階花發映紅粧陽臺縱有行雲夢
何及人間歌舞長

過武子忠舊居

柴桑人去柳空垂重問田園意卻疑三徑就荒松菊在
宛然陶令未歸時

山家

空山寂歷兩三家水遶松林一徑斜應有逍遙方外客
白雲深處讀南華

贈高子式先生

高樓日望墨河流
濡翰欄前對白鷗
為是王孫昔遊地
至今春草滿芳洲

登大洞山

山樓縹緲枕湖灣
湖色山雲指掌間
此地登臨何限客
誰將彩筆照湖山

酬大管瓊羨月夜見懷之作

兩地秋風嘆別離
海雲湖月一篇詩
聞君憶我揮毫處
正我懷君倚檻時

姪人怨服散

君言服藥學長生
操杵深閨對月明
獨怪吹簫臺上女
何緣更得鳳皇鳴

以下摘句

路傍溪流曲村隨
山勢斜

晚過山村

仍携黃菊酒共倚
白雲樓

秋日病起

大湖色入南天盡
群嶺青從北地連

上磨針嶺望湖堂

